



იმისთანა წმინდა საცემში, ბოგბილ ბუქ-  
უბი სიფყვას, ცუდილებით და ჭბრბით ბუბ-  
თის გაფანა ყულა უკადრისბზაჲ უსაბაგლესია.



გამოდის 1918 წლის  
25 ივლისიდან

# რესპუბლიკა

სამშაბათი, 2 აპრილი. 2019 წ. №65 (8731)

ელ.ფოსტა: sakresp@mail.ru და sakresp@top.ge

ფასი 60 თეთრი



## ანგარიშიანი პროვინსიალები

### ფიგურა აქვთ, ③ ჯიური არა!

### ბიორბი კახიანი: დანაშაულებრივი სისტემა, როგორც ნაციონალება ④ შექმნეს, ბარკაეული პერიოდის შემდეგ ამ მოსამართლეებმა გაასამართლეს!

### უკონტროლო სათამაშო ⑤ ბიზნესი და ნერკობაზარი სამართლებელს დაღუპავს!

### ფეხბურთი ⑥-⑦ ბინების ქალაქში

### ქართული ჰანგებით მსოფლიოს ⑨ გარშემო

### კრიზისი, როგორც კლანეტაზე სისოცხლეს საფრთხეს უქმნის ⑧



### სალომე ზურაბიშვილი:

### „... ეს მისი პოლიტიკაში დაბრუნების უკანასკნელი შემთხვევა“

ბიძინა ივანიშვილი დიდი სიმბათით სარგებლობს, რადგან მოსახლეობა მასში ხედავს იმ კაცს, რომლის საშუალებებითაც შესაძლებელი გახდა მიხეილ სააკაშვილის ჩამოშორება, – განაცხადა საქართველოს პრეზიდენტმა გერმანულ გამოცემა „შპიგელთან“ ინტერვიუში.

გერმანულმა გამოცემამ სალომე ზურაბიშვილზე გამოაქვეყნა სტატია სახელწოდებით – „ყოველდღე პროვოკაციები, საქართველოს პრეზიდენტი სალომე ზურაბიშვილი პუტინზე, თავისი ქვეყნის ევროკავშირისკენ სწრაფვასა და იმაზე, როგორ გახდა ფრანგი კავკასიაში ქვეყნის მეთაური“.

ჟურნალისტმა კრისტიან ეშმა სალომე ზურაბიშვილს საქართველოს საპრეზიდენტო არჩევნებზე ჰკითხა – „არჩევნებში თქვენ ფორმალურად დამოუკიდებელ კანდიდატად მიიღეთ მონაწილეობა, მაგრამ ფაქტობრივად, მხარს გიჭერდათ საქართველოს უძლიერესი პირი – მილიარდერი ბიძინა ივანიშვილი. რა არის მისი როლი?“

სალომე ზურაბიშვილმა განაცხადა, რომ „ბიძინა ივანიშვილი დიდი სიმბათით სარგებლობს, რადგან მოსახლეობა მასში იმ კაცს ხედავს, რომლის საშუალებებითაც სააკაშვილის ჩამოშორება მაშინ გახდა შესაძლებელი, როცა ჩვენ ავტორიტარული სახელმწიფოდ გადაქცევის გზას ვადექით და მოსახლეობა დარწმუნებული იყო, რომ სხვა ამას ვერავინ შეძლებდა“.

ჟურნალისტი საქართველოს პრეზიდენტთან საუბარში აღნიშნავს, რომ „ივანიშვილს მაშინ სურდა, მხოლოდ დროებით ჩარეულიყო პოლიტიკაში. გაახმოვანა დაპირება, რომ კვლავ ჩამოშორდებოდა პოლიტიკას. როგორც ჩანს, ამ დაპირებიდან არაფერი გამოვიდა. მან თქვენ აქტიურად დაგიჭირათ მხარი და კვლავ უდიდესი პარტიის, „ქართული ოცნების“ ხელმძღვანელია“.

სალომე ზურაბიშვილის განცხადებით კი ბიძინა ივანიშვილს არ უნდოდა პოლიტიკაში დარჩენა, თუმცა პარტიამ, რომელიც ივანიშვილმა დატოვა, სიტუაციის კონტროლქვეშ მოქცევა ვეღარ შეძლო და გამოიკვეთა ტენდენცია, რომ პარტიის ლიდერთა რიგებიდან რჩევის საკითხავად მასთან მიდიოდნენ.

„ბიძინა ივანიშვილთან მცირერიცხოვანი საუბრების შემდეგ, ვფიქრობ, რომ მას ნამდვილად არ უნდოდა პოლიტიკაში დარჩენა, რადგან ის მას არ მოსწონს. მაგრამ პარტიამ, რომელიც მან დატოვა, სიტუაციის კონტროლქვეშ მოქცევა ვეღარ შეძლო და გამოიკვეთა ტენდენცია, რომ პარტიის ლიდერთა რიგებიდან ხალხი ისედაც მასთან მიდიოდა რჩევის საკითხავად“, – განაცხადა სალომე ზურაბიშვილმა.

ამასთან, ჟურნალისტის განცხადებაზე, რომ „დიდი პრობლემაა, როცა უმდიდრესი ადამიანი ქვეყანას არაფორმალურად მართავს და დიდი პარტიის უკან დგას“, სალომე ზურაბიშვილი პასუხობს: „ბიძინა ივანიშვილი პარტიის უკან კი არ დგას, არამედ სათავეში უდგას მას. გარდა ამისა, ვვარაუდობ, რომ ეს მისი პოლიტიკაში დაბრუნების უკანასკნელი შემთხვევაა – 2020 წლის საპარლამენტო არჩევნების შემდეგ ის აშკარა დისტანცირებას მოახდენს.“



### მეუფე კატრა ივანიშვილთან საუბრის ღებავს ასაჯაროებს

ბიძინა ივანიშვილი ჭყონდიდის მიტროპოლიტს, მეუფე პეტრეს შეხვდა. შეხვედრის ფაქტი მეუფე პეტრემ დაადასტურა.

„საუბარი იყო მიმდინარე სახელმწიფოებრივ საკითხებზე, მიმდინარე პრობლემებზე. ზუგდიდთან დაკავშირებით, ეს არ არის ჩემი ეპარქია, არანაირ კავშირში არ ვარ და ისედაც ვერ წარმომიდგენია რაღაც საარჩევნო თემა იყოს ეკლესიის აღმშენებლობა ან ბატონი ზვიად გამსახურდიას იმ ტრაგიკული ადგილის აღდგენა-აღორძინების და იქ ეკლესიის აშენება. ეს იგივეა, როგორც მცხეთისთვის წინამურია, იგივეა სამეგრელოსთვის ეს ადგილი. აუცილებლად უნდა დაფასდეს“, - თქვა მეუფემ.

### ჩხეთის რესპუბლიკამ საქართველო უსაფრთხო კაბეგორიის ქვეყნების სიაში შეიყვანა

აღნიშნული გადაწყვეტილება ჩხეთის შინაგან საქმეთა სამინისტრომ მიიღო. ინფორმაციას საგარეო საქმეთა სამინისტრო ავრცელებს.

საგარეო უწყების ინფორმაციით, ჩხეთის მხრიდან მიღებული გადაწყვეტილება კიდევ ერთხელ ხაზს უსვამს საქართველოში ადამიანის უფლებების დაცვის მხრივ და უსაფრთხოების თვალსაზრისით არსებულ დადებით გარემოს, პოლიტიკურ სტაბილურობას და ეკონომიკურ განვითარებას, რაც აღიარებულია ჩვენი პარტნიორების მიერ. ჩხეთის რესპუბლიკის მხრიდან საქართველოს უსაფრთხო ქვეყნების სიაში შეყვანის შედეგად საქართველოს მოქალაქეების თავშე-

საფრის განაცხადების განსახილველად გამოყენებული იქნება დაჩქარებული პროცედურა, რაც განაცხადის განხილვის ვადას საგრძობლად შეამცირებს.

ჩხეთის რესპუბლიკა ევროკავშირის/შენგენის სივრცეში მე-12 ქვეყანაა იმ სახელმწიფოებიდან (ბულგარეთი, საფრანგეთი, ლიხტენშტაინი, ავსტრია, ბელგია, ნიდერლანდები, ისლანდია, ლუქსემბურგი, ირლანდია, ესტონეთი, დანია), რომელთაც აღნიშნული კლასიფიკაცია გააჩნია და საქართველოსთან მიმართებაში შესაბამისი გადაწყვეტილება მიიღო. ჩხეთის რესპუბლიკის გადაწყვეტილება უკვე ძალაში შესულია.

### ნატოს სომალიში საქართველოს ტერიტორიულ წყლებში შემოვიღნენ



შინაგან საქმეთა სამინისტროს სასაზღვრო პოლიციის უფროსმა თემურ კეკელიძემ საქართველოს ტერიტორიულ წყლებში ნატოს მუდმივმოქმედი მეორე საზღვაო შენაერთს - SNMG2 უმასპინძლა. ფოთის პორტში სტუმრებს, ასევე, დახვდნენ სანაპირო დაცვის დეპარტამენტის დირექტორი, პირველი რანგის კაპიტანი თემურ კვანტალიანი, პოლონეთის ელჩი საქართველოში, ადგილობრივი თვითმმართველობისა და ნატოს სამეკავშირეო ოფისის წარმომადგენლები.

მეორე საზღვაო შენაერთის შემადგენლობაში შედიხ: საფლავმა-ნო ხომალდი „HNLMS Evertsen“ (ნიდერლანდების სამეფო), „TCG Yildirim“ (თურქეთის რესპუბლიკა), „BGS DRAZKI“ (ბულგარეთი) და „ROS Regele Ferdinand“ (რუმინეთი). ნატოს მუდმივმოქმედი მეორე საზღვაო შენაერთს კომოდორი ბაუდევიან ბუთისი ხელმძღვანელობს.



ვიზიტის ფარგლებში კომოდორი საქართველოს სანაპირო დაცვის ხელმძღვანელს შეხვდება. ასევე, გაიმართება სამუშაო შეხვედრები, კულტურული და სპორტული ღონისძიებები.

ნატოს მუდმივმოქმედი მეორე საზღვაო შენაერთის ხომალდები და საქართველოს სანაპირო დაცვის ორი ხომალდი - „დიოსკურია“ და „ოჩამჩირე“ ერთობლივ წვრთნებს ჩაატარებენ. წვრთნების მიზანია საქართველოს და ნატოს საზღვაო ძალების ურთიერთქმედებისა და ურთიერთთავსებადობის ამაღლება.



### შრომა არა, ტანჯვა და სისკვდილი!

არაპინ არაა წინააღმდეგი, რომ აშენდეს ახალი საავადმყოფო, მუზეუმი, სკვერი და შადრევანი, მაგრამ შენობებზე ძვირფასი რომ ადამიანთა სიცოცხლე, ამაზე, იმედია, არ ვიკამათებთ. არც ისაა საკამათო, რომ მშენებლობის პროცესში ზედმიწევნით უნდა იყოს დაცული მუშა-მოსამსახურეების უსაფრთხოება.

ჭავჭავაძის გამზირზე მშენებლობისას მიწა რატომ და როგორ ჩამოიშალა, ამაზე ახლა სისხლის სამართლის საქმეა აღძრული. კარგი იქნება, თუ ტრაგედიის მიზეზი ისევე გარდაცვლილებს არ დაბრალდება და ერთხელ მაინც რეალური გამოძიების შედეგს გაგვაცნობენ. მეტიც, პატივს დაგვადებენ, თუ პასუხისმგებელ პირთა წრეს გამოკვეთენ. ბოლოს და ბოლოს, რა ღირს ამ ქვეყანაში ხელმოკლე ადამიანების სიცოცხლე? ვინმე იცავს ამ ხალხს და მათ შვილებს?

საშინელებაა იმისი გააზრება, რომ ყოველდღიურად ასობით ჩვენს თანამოქალაქეს სრულიად დაუცველ გარემოში უწევს შრომა. შრომა - არა, ტანჯვა! რეგიონებიდან დედაქალაქში ჩამოსული ხელმოკლე ახალგაზრდები (ყოველდღიური ლუკმა-პურის მოძიების მუხანათურ გზაზე) ხან გაზით იგუდებიან, ხან ხარაჩოებიდან ვარდებიან, ხან მშენებლობისას მოულოდნელი ტრაგედიისას იღუპებიან.

შრომის და სიცოცხლის ველური პირობები... უკიდურესი გაჭირვება... დაუცველობა და სიმართლევ... ხელი-სუფლება - სხვა პლანეტაზე!!!

ბოლოს, პასუხისმგებელი ისევე არავინ არაა. ამჯერადაც აღიძვრება საქმე, ამჯერადაც დაიწყება გამოძიება, რომლის შედეგებს ვერავინ გაიგებს. იმდენი დრო გავა, რომ ყველას ყველაფერი დაავიწყდება... ამ საბრალო, ახალგაზრდა ბიჭებს კი, ვერავინ გააცოცხლებს. ამასობაში კი ახალი ტრაგედიის შესახებ გავიგებთ, როდემდე?

უზომოდ ვწუხვარ, 26 წლის დავით აბესაძის და 40 წლის ედვარდ ვარიშვილის გარდაცვალების გამო!

მადლობა მაშველებს, ექიმებსა და მესანძრეებს, რომლებიც მიწიდან გარდაცვლილთა ამოსაყვანად მთელი ღამე თავდაუზოგავად შრომობდნენ.

P. S. კვირა დღე, წესით, დასვენების დღეა.

ირმა ინაშვილი, საქართველოს პარლამენტის ვიცე-სპიკერი

## პირველი მერსხალი

საავტომობილო გზების დეპარტამენტის ინფორმაციით, პროექტს, კონსტრუქციის გაპროექტებაში, საუკმათესო წინადადებას მძღვე ავსტრალიური მშენებლობის კომპანია „სმეი“ მოამზადებს.

პანია 40-ზე მეტ ქვეყანაში 130-მდე ოფისითაა წარმოდგენილი. „სმეი“ ცნობილი საკონსულტაციო კომპანიაა, განხორციელებული ინფრასტრუქტურული პროექტებით აზიაში, სამხრეთ და ჩრდილოეთ ამერიკაში, აფრიკაში და ავსტრალიაში. მას 1949 წლიდან 1974 წლამდე პე-

რიოდში განხორციელებული აქვს ავსტრალიაში მსოფლიოში ერთ-ერთი უდიდესი კომპლექსური ჰიდროელექტრო სა-მუშაოთა სქემა. კომპანიას დაპროექტებული აქვს ჯამში 145 კმ. გვირაბი, 2000 კმ. გზა და 80 კმ. აკვედუკი. „სმეის“ საქმიანობის სფეროს ხიდების გზების, აერო-



„ანაკლიის ღრმანწყლოვან ნავსადგურთან მისასვლელი საავტომობილო გზისა და რკინიგზის საპროექტო დოკუმენტაციის მოსამზადებლად, ინტერესთა გამოხატვის პირველ ეტაპზე, დაინტერესება სულ ოთხმა კომპანიამ გამოხატა, ხოლო ფინანსური წინადადებების გახსნის ეტაპზე 3 კომპანია გადავიდა. მათგან საუკეთესო წინადადება, როგორც ტექნიკური ასევე, ფინანსური კუთხით ავსტრალიურმა კომპანია „სმეიმ“ წარმოადგინა.

კომპანია „სმეი“ 1949 წელს დაფუძნდა და ავსტრალიური კომპანიის - SJ ჯგუფის წევრია, რომელშიც 14,500-მდე პროფესიონალი დასაქმებული. კომ-

## ანაკლიის გზისა და რკინიგზის პროექტირებაზე გამარჯვებული გამოვლინდა

პროექტის, რკინიგზის, გვირაბების, ჰესებისა და მეტროს პროექტირება წარმოადგენს. კომპანიის წლიური ბრუნვა საშუალოდ 350-360 მილიონი დოლარია.

„სმეიმ“ ანაკლიის ღრმანწყლოვან ნავსადგურთან მისასვლელი საავტომობილო გზისა და რკინიგზის საპროექტო დოკუმენტაცია 7 თვეში უნდა მოამზადოს. ანაკლიის გზისა და რკინიგზის პროექტის კონკურსი ორი ეტაპად ჩატარდა. პირველ ეტაპზე შეფასდა ტექნიკური წინადადებები (შეფასების წონა 80%-ით განისაზღვრა), ხოლო მეორე ეტაპზე - ფინანსური წინადადებები (შეფასების წონა - 20%-ს შეადგენდა).

კვალიფიციური კონტრაქტორის შერჩევის მიზნით, საქართველოს რეგიონული განვითარებისა და ინფრასტრუქტურის

სამინისტროს საავტომობილო გზების დეპარტამენტმა, საპროექტო მომსახურების მიმწოდებელი განსხვავებული წესით შეარჩია. გამოცხადებული კონკურსის ფორმა შემუშავდა საერთაშორისო ფინანსური ინსტიტუტების შესყიდვის პრაქტიკისა და სახელმწიფო შესყიდვების მარეგულირებელი კანონმდებლობის მოთხოვნების გათვალისწინებით.

პროექტირების სახელშეკრულებით ღირებულება 7 მილიონ ლარს შეადგენს.

ანაკლიის ღრმანწყლოვან ნავსადგურთან მისასვლელი გზისა და რკინიგზის მშენებლობა ნავსადგურის ოპერირების დაწყებამდე დასრულებს - ნათქვამია საავტომობილო გზების დეპარტამენტის მიერ გავრცელებულ ინფორმაციაში.

© წაკვირება

გაზაფხულის ბრალია?!

მეცნიერულად დადასტურებულმა პრაქტიკამ კიდევ ერთხელ მიიღო თანხმობა: გაზაფხულის დადგომისთანვე იწყება „აშლილობით“ გამორჩეული ტიპის აქტიურობა.

ეს უწინარესად იგრძნობა საზოგადოებრივ-პოლიტიკურ სფეროში და მედიასში. ადრეც ასე იყო. ახლაც! დააკვირდით: გარეკვა – გიჟობის რა უნიკალური გამოვლინებები აქვთ პოლიტიკოსსა და მედიის ცნობად კლოუნებს, ვინ რას ყბედობს, ვინ რას ან ვის ემუქრება, ვინ ვის აშინტაჟებს, ვინ ვის რას აბრალებს...


ახლა, ეს უკრაინული არჩევნები სულ მთლად გადარევეს ერთ აქაურ ტაკიმასხარას, ყველა საპრეზიდენტო მარათონში რომ მონაწილეობს ურცხვად... არადა, ზოგიერთს ახალგაზრდები რომ იყვნენ, იმ

დროიდან ვიცნობ. ერთი შეხედვით, რა კარგ შთაბეჭდილებას ტოვებდნენ და არცთუ უსაფუძვლოდ: კარგები, ზრდილები, მომსმენები... კი ეტყობოდათ ცოტ-ცოტა, პანია „გადახვევები“, მაგრამ... პატიობდნენ (მეც!). ასაკით, სწორედ მოუთმენლობით, ენერჯის მოზღვავეობით, სიმალეებისკენ ჯანსაღი სწრაფვის აღქმა-დანახვით (ანუ, ახლა ირკვევა, საკუთარი სიბრძავეთ) ხსნიდნენ... ჰოდა, გავიდა ხანი და ეს ფაკულტეტების თუ სასწავლებლების კომპაგშირის მდივნები, შემდგომ – მოქავეშირული, ედუკაციური, ლეიბორისტული, მონარქისტული თუ სხვა „შეფერილობის“ ლიდერები (ყველა არა), ძალიან სტრუქტურების თუ აღმასკომების პარტკომები თუ „საიდანდაც“ შეგზავნილი „შიბზიკები“ (ყველა არც მათ შორის), რაიკომების, ქალაქკომების ინსტრუქტორები თუ მათთან „გათანაბრებული“ (გა-

დაბარებული ან შესმატებული) არაფორმალთა ადგილობრივი „მყვირალები“ მათი სექსპარტინორი მდებრებითურთ და სხვა ლილიპუტა-ჩინოსნები „გაიზარდნენ“, ხმა დაუბოხდათ, მანერები შეიძინეს, პარიზ-ლონდონში „იშოპინგეს“, ამერიკაში რალაც მარშლების თუ ფელდმარშლების კურსები გაიარეს, სერბიაში რევოლუციური მეთოდები აითვისეს და ჩამოყალიბდნენ კაი მოზვერ-კარიერისტებად, ბიუროკრატებად, შანტაჟისტებად, ზოგიერთნი მწამებლებად და, თქვენ წარმოიდგინეთ, კლოუნებადაც კი... აშკარად მოთხოვნადი პროფესია გახდა, განსაკუთრებით, გაჭირვებულ, არეულ, ორიენტაციადანეულ ქვეყანაში.

საბოლოოდ მივიღეთ ის... რაც მივიღეთ!

ტაში, კუკური!



ნურბარ ვოჟიტსკი

- **თინა ბოქრაძე მონატერში წავიდა.**
- **მურუსიძემ მთელი თავისი ქონება უპოვარად ადამიანებს გადასცა და გზას ფეხით გაუყვია...**
- **ტელენაშვიანებისა და ჟურნალისტების 99%-მა განაცხადეს, რომ ჟურნალისტებში საერთოდ ვერ ერკვევიან და სოფლის მეურნეობის პროგრამის ფარგლებში გახსნილ ფერმაში წავიდნენ სტაჟიორებად.** „რუსთავი-2“-მა ნაცემობარობის ოფისთან აქცია გამართა დევიზით „ჩვენ თქვენი ბინაში ფული არ გვინდა“!
- **საპარლამენტო უმრავლესობამ მანდატები დაჭრა, ხოლო უმცირესობის წარმომადგენლები პროკურატურაში გამოცხადდნენ აღიარებითი ჩვენებებით.**
- **საზარბაქო გაზეთისგან ქუდი გაიკეთა, ხელში „ლაფატკა“ დაიჭირა და ანაკლიაში მიწის თხრა დაიწყო.**
- **ხელისუფლების სხვადასხვა რგოლებში, სხვადასხვა რანგის ჩინოსნებმა საკუთარი არაპროფესიონალიზმი აღიარეს და დაწყებითი კლასების პედაგოგებს მიუბარნენ სასწავლებლად.**
- **საოცრად გათენდა გუშინდელი პირველი აპრილი!**

თუ პირდაპირ მიხას ბრძანება არ იქნებოდა, ამ გაიძვერას სადგურის ტულეტის დამლაგებლად არ დანიშნავდნენ, მაგრამ ხომ ვამბობ – უტიფარია და შუბლისძარღვგანყვეტილი!

არა ვარ მუშნი ზარანდია და არც ეგაა პოლკოვნიკი სესნიევი, მაგრამ მაინც ვეტყვი – ბატონო ლევან, თქვენს ადგილზე, ადგილზე, სადაც მთელი ხალხი დედას გაგინებს, თუნდაც ცამდე მართალი ვყოფილიყავი, მე თავს მოვიკლავდი!

არ ვიცი, რამდენჯერ დანერია ჩვენს გაზეთში, რომ ჩვენი ხელისუფლება და-

სა, ჯერ დაგჭყდავენ, მერე მტკიცება, აქლემი კი არა, კურდღელი ვარ, გვიანიაო.

არადა, ამ ე.წ. „გავლენიანი არასამთავრობო ორგანიზაციების“ „დანოსებს“ რომ დაუჯერონ, წესით, ჯერ კოლუმბიამ უნდა გამოგვიცხადოს ომი, მერე ავლანეთმა, აშშ-მა ჯარები შემოიყვანოს და საქართველოს ყველა მოქალაქე, როგორც ნარკოკარტელების მეპატრონეები, როგორც რუსეთის ინტერესების გამტარებლები, როგორც ქსენო და ჰომოფობები და იმიტომ, რომ საერთოდ ვარსებობთ, ადგილზე მართლაც დახვრიტონ!

ენ. „გაერთიანებული ოპოზიცია“ ფარსია. იცინა, რომ მათ არანაირი რესურსი არ გააჩნიათ, მაგრამ სჭირდებათ. სჭირდებათ დასავლეთისთვის იმის საჩვენებლად, რომ ამდენი პოლიტიკური ძალა გვიჭერს მხარსო, და აქ ჩვენთვის ნერვების მოსაშლელად...

უმარტივესი მაგალითი პოლიტიკურ ველზე პარტია „კანონი და სამართალი“ „შემოჭრა“ (ნამდვილად „უმარტივესი“. რადგანაც პარტია „კანონი და სამართალი“ მუხსტად ისეთი უმარტივესი წარმონაქმნია, როგორც მაგალითად ამება).

„თაკო ჩარკვიანის პარტიაში მიიჩნევენ, რომ საზოგადოებრივ მასშტაბებში ევროატლანტიკური თემების გაშუქებას მწირი დრო ეთმობა. ამ საკითხზე დღეს პარტიაში „კანონი და სამართალი“ პარტიის ხელმძღვანელმა თაკო ჩარკვიანმა და გენერალურმა მდივანმა ირაკლი ლლონტმა ისაუბრეს“.

ახლა პარტიაში თუ მიიჩნევენ და გენერალურმა მდივანმა ირაკლი ლლონტმა ისაუბრა, მაშინ ჰოოო!

# ანგარიშიანი პროვინციალური ფიგურა აქვთ, ჯიუი არა!



სავლეთთან ფაქტობრივად არ მუშაობს, არ აწვდის რეალურ ინფორმაციას და ეს მართლაც სასიცოცხლოდ მნიშვნელოვანი მიმართულებაა, ე.წ. „გავლენიანი არასამთავრობოებს“ და ნაცების ორივე ფრთას აქვს ხელში ჩაგდება.

მათ „მუშაობასაც“ შედეგი მოაქვს და – ამერიკის შეერთებული შტატების სახელმწიფო დეპარტამენტმა ნარკოტიკების კონტროლის საერთაშორისო სტრატეგიის შესახებ ანგარიში გამოაქვეყნა.

დოკუმენტში მიმოხილულია მსოფლიოს 70 ქვეყანაში, მათ შორის საქართველოში შექმნილი ვითარება. დოკუმენტი ორი ნაწილისგან შედგება: პირველი ნარკოტიკის კონტროლის ღონისძიებებს ეხება, მეორე კი – ფულის გათეთრებასა და ფინანსურ დანაშაულს.

დოკუმენტში ასევე საუბარია იმაზე, რომ 2018 წლის ივლისში საქართველომ კანადის სამედიცინო მიზნით კულტივირება და წარმოება ლეგალური გახდა, რაც სიმართლეს არ შეესაბამება და საქართველოს ხელისუფლება შეცდომის გამოსწორებას ითხოვს.

ხელისუფლების ამ „მოთხოვნაზე“ ერთი ძველი ანეკდოტი გამახსენდა – კურდღელი ქვეყნიდან გაიბის, აქლემებს ქედავენო. შეკითხვაზე – კი, მაგრამ შენ ხომ კურდღელი ხარ, სად გარბიხარო, უპასუ-

ჟკაცრავად, მაგრამ ამათ ხომ არ აჟრილებთ?

ხელისუფლებაც, დროზე მიიღე შესაბამისი ზომები, თორემ პირველ რიგში ის ამერიკელები თქვენ დაგერევიან. გრანტებს და სხვა ფინანსურ დახმარებას შეგინწყვეტენ და ეგ ხომ თქვენთვის დაჭედაზე კი არა, დახვედრებაზე უარესია?

უარესია, მაგრამ როგორ მოვთხოვო გაზეთების წაკითხვა და რეალური ინფორმაციის გავრცელება ხალხს, რომლებსაც ლილაკების ფერები ვერ გაურჩევია?

**ამასობაში კი ნაცები მუშაობენ.**

**ყრილობაც ჩაატარეს, ახალი თავგზდომარეც აირჩიეს (რა მაგის პასუხია და ნეტა ოცნების რამდენ წევრს დასწყდა გული, ყრილობაზე რომ ვერ მივიდა? ახლა არ მითხრათ, რომ მოდაში ახლა უფრო ბოკერელები არიანო. მე თუ მკითხავთ, ეგენი მაინც ერთი ოხრები არიან, მიხამ გვარამიას ინტერვიუ მისცა და თომა ჩაგელიშვილმა ფილმი გადაიღო. ბევრი რომ არ ვილაპარაკო, ძალიან სერიოზულად, ტოტალიტარულად მუშაობენ.**

ცდილობენ, მაქსიმალურად გამოურეცხონ ტენიები მოსახლეობას და დიდი რევანშისთვის ნიადაგი მოამზადონ. მათ ძალიან კარგად იცინა, რომ ეს

აი, ნატა გულიაშვილი რომ საბოლოო სიტყვას იტყვის, მაშინ გადაწყდება ყველაფერი. ლლონტსა და გულიაშვილს შორის 3 განსხვავება მითხარით რა, მეშინია ერთმანეთში არ ამერიოს.

არადა, როცა ნაცების და ე.წ. „გაერთიანებული ოპოზიციის“ ფაფურს ვუყურობ, კომუნისტების დროინდელი სამხედრო პარადები მახსენდება, სადაც კარდონის რაკეტებს ჩამოატარებდნენ და ძალის ბუტაფორიას „ქმნიდნენ“, მაშინ, როცა საზარბაზნე ხორცის გარდა, არანაირი რესურსი არ ჰქონდათ.


ეს ე.წ. „გაერთიანებული ოპოზიცია“ პოლიტიკური ძალების კარდონისგან დამზადებული ბუტაფორიაა და ნაცები საზარბაზნე ხორცი.

იქ არ არის არანაირი ინტელექტი და, რაც მთავარია, არ არის სამშობლოსა და ხალხის სიყვარული. მათი ტრაბახი მხოლოდ მათი პროპაგანდისტული მანქანის მიერ ხალხისთვის „მოლერებული მუშტია“, რომელიც ზუსტად ისე გაქრება, როგორც პოტიომკინის სოფელი პირველივე ქარის დროს.

ამ ყველაფერს კი ხელს „რუსთავი-2“ და მასზე აწყობილი ტელევიზიები უწყობენ. არადა, როცა მათს გადაცემებს, მათს ჟურნალისტებს, წამყვანებს და პრივილეგირებულ სტუმრებს ვუყურებ, მუდამ ეს რუსული ფრაზა მახსენდება – Расчотливая провинциалка. Фигура есть, породы нет.

ბევრს აღარ გავაგრძელებ, რადგანაც სურათი ფაქტობრივად ნათელია. წინ რთული პერიოდი გველის. რთული, რადგანაც 2020 წლის არჩევნები, ნამდვილად გარდამტეხია ჩვენი ქვეყნის მომავლისთვის.

წერილს კი საქართველოს „პატრიოტთა ალიანსის“ ლიდერის ირმა ინაშვილის ფეისბუქ-პოსტით დავამთავრებ: **ვატყობ, მომავალი არჩევნებისას ამომრჩეველს არა მარტო პროგრამებისა და პრინციპების მიხედვით მოუწევს არჩევნის გაკეთება, არამედ იმის მიხედვით, ზნეობა როგორ ესმით კონკრეტულ კანდიდატებს. და საერთოდ აქვთ თუ არა სინდისის შინაგანი ხმა, რაც ადამიანს ცხოველისგან განასხვავებს.**



ბიბა ბაბურიძე



დეპუტატ გიორგი კახიანის განცხადებით, თუ ვინმე თვლის, რომ მავანს ხელები გასვრილი აქვს, მანვე უნდა დაასაბუთოს, რა აძლევს ამის თქმის საფუძველს. უმრავლესობის წევრი ამბობს, რომ არანაირი საფუძველი არ აქვს, რომელიმე მისი თანაგუნდელის კეთილსინდისიერებაში ეჭვი შეიტანოს. მაგრამ, თუ ვინმეს ამის ეჭვები და საფუძველი გააჩნია, ბუნებრივია, მათ თავად უნდა ისაუბრონ. დღეს ბიორბი კახიანი ჩვენი სტუმარია.

პროცესში, რომელიც „ქართული ოცნების“ გარშემო მიმდინარეობს, პარტიის გარეთ გავიდა. როგორი შეიძლება იყოს ამის პოლიტიკური გაგრძელება?

თუ იმას გულისხმობთ, რომ „ქართული ოცნებას“ რამდენიმე წევრი გამოაკლდა და ოპოზიციაში გადავიდა, მე ასე ვიტყვი: „ქართული ოცნება“ და მთლიანად აღებულ უმრავლესობა საკმაოდ დიდი გუნდია. ამ მოწვევის პარლამენტში „ქართული ოცნება“ წარმოდგენილი იყო 118 წევრით. ის, რომ პარლამენტის წევრებს შორის არის განსხვავებული მოსაზრებები, ეს ჩვეულებრივი ამბავია.

ჩვეულებრივი ამბავია, როდესაც უმრავლესობის წევრები ერთმანეთს ბრალს სდებენ კორუფციაში, როდესაც უმრავლესობის წევრი ყოფილ უმრავლესობის წევრს ეუბნება, რომ „შენს ხელებს ფულის სუნი ასდის“?.. არ მეთანხმებით, რომ ეს უფრო ბრალდებაა, ვიდრე განსხვავებული მოსაზრება?

გეთანხმებით. განსხვავებული მოსაზრებები ჩვეულებრივი მოვლენაა. ამ მოწვევის პარლამენტი 2 წელი და რამდენიმე თვეა, რაც ფუნქციონირებს, როგორც ჩანს, გაჩნდა ისეთი საკითხები, რაზეც პრინციპულად განსხვავებული შეხედულებები არსებობს, რაც ზოგიერთი პარლამენტის წევრის მიერ იძლევა საფუძველს, რომ თავისი თავი და ადგილი ვეღარ იპოვოს „ქართული ოცნების“ გუნდში. როგორც ჩანს, აქედან გამომდინარე, ზოგიერთმა მათგანმა მიიღო გადაწყვეტილება, გამოეყოფა გუნდს. მაგრამ ის, რომ შემდეგ ასეთი სახის, ძალიან რადიკალური განცხადებები კეთდება ერთმანეთის მიმართ, ეს ჩემთვის პირადად არის მიუღებელი. სიმართლე გითხრათ, არ მესმის, როგორ შეიძლება ერთ დღეს ერთი გუნდის წარმომადგენელი იყო და მეორე დღეს რადიკალურად შეიცვალოს ყველაფერი და ძალიან მძაფრ კრიტიკაზე გადასხვიდე... ეს ჩემთვის გაუგონარიც არის და ამავე დროს მიუღებელი. თუმცა, ყველამ თავისი საქმე იცის და თავისებურად აკეთებს შეფასებებს.

მაგრამ როდესაც დეპუტატი, მისავე კოლეგას ეუბნება, რომ მის ხელებს ასდის ფულის სუნი და ღიად სდებს ბრალს კორუფციაში, თვითონ უმრავლესობამ არ უნდა დასვას კითხვა, თუკი ბესელიას ხელებს ასდის ფულის სუნი, ე.ი. არის დამნაშავე, დამნაშავეს წინააღმდეგ კი უნდა გატარდეს შესაბამისი სამართლებრივი პროცედურა, მაგრამ თუ ზარდიაშვილი მიზანმიმართულად სდებს ბრალს, მაშინ მის მიმართ უნდა დაისვას კითხვები. არ ფიქრობთ, რომ ამ ბრალდებას უნდა ჰქონდეს გაგრძელება?

განცხადება, რაზეც თქვენ საუბრობთ, მეც მოვისმინე, თუმცა, ამის იქით არანაირი ინფორმაცია არ მიმიღია. თუ ვინმე თვლის, რომ ვინმეს ხელები გასვრილი აქვს, ალბათ, მანვე უნდა დაასაბუთოს, რა მანვე უნდა ახსნას, რატომ ამბობს ამას და რა აძლევს ამის თქმის საფუძველს. მე არანაირი საფუძველი არ მაქვს რომელიმე ჩემს თანაგუნდელზე, მოქმედი იქნება, თუ ყოფილი, რაიმე ეჭვი შევიტანო მის კეთილსინდისიერებაში. მაგრამ, თუ ვინმეს ამის ეჭვები და საფუძველი გააჩნია, ბუნებრივია, მათ თავად უნდა ისაუბრონ.

დაპირისპირების მიზეზი გახდა უზენაესი სასამართლოს მოსამართლეთა უფადოდ გამწვანების საკითხი, რომელთა მიმართ და მათ მიერ განხილული საქმეების მიმართ არსებობს ძალიან ბევრი პასუხგაუცემელი კითხვა. პარლამენტმა პირველი მოსმენით ისე მიიღო უმრავლესობის მიერ ინიცირებული კანონპროექტი, რომ არ დაელოდა ვენეციის კომისიის დასკვნას. რითი სხნით ამ სიჭარბეს?

ერთი მოსმენით არის მიღებული, მაგრამ როგორი მოცემულობა გვაქვს – რეგლამენტის გათვალისწინებით, კანონის მიღებას სჭირდება მინიმუმ ერთი, კანონი, უზენაესი სასამართლოს მოსამართლეების შერჩევის შესაბამის პროცედურას ადგენს, რო-

# ბიორბი კახიანი: დანაშაულაბრივი სისტემა, როგორც ნასიონალაბა უაქმნეს, ბარკაული პერიოდის უაქმნეს ამ მოსამართლაბა ბასამართლას!

მელსაც თავის მხრივ, შეიძლება, ორთვენა-ხევაი დასჭირდეს. კანონი ერთ თვეშიც რომ მივიღოთ, უზენაესი სასამართლოს მოსამართლეების არჩევას დასჭირდება სულ ცოტა სამი თვე, თუ მეტი არა.

ჩვენ არც დროში ვართ თავისუფალი. დღეს უზენაეს სასამართლოში ნაცვლად 28 მოსამართლისა, არის 10, რაც მართლმსაჯულების განხორციელებისთვის გარკვეულ სირთულეებს ქმნის. ბუნებრივია, 10 მოსამართლისთვის რთულია გაუძღვავდეს საქმეების რაოდენობას, მაგრამ, მეორე მხრივ, სიჭარბეში არ უნდა დავაზიანოთ ის, რასაც გამართული კანონმდებლობის მიღება ჰქვია და მათ შორის, ვენეციის კომისიის მოსაზრებების გათვალისწინება.

ამ თვალსაზრისითაც ყველაფერი თავის ადგილზეა. გამომდინარე იქიდან, რომ ვენეციის კომისიის დასკვნას, ალბათ, ამ დღეებში მივიღებთ. მანამდე შეჩერებული გვაქვს კანონპროექტის განხილვა. როცა გვეცოდინება ვენეციის კომისიის დამოკიდებულება და იმ შემთხვევაში, თუ რომელიმე საკითხთან მიმართებაში იქნება უარყოფითი დამოკიდებულება, მეორე მოსმენის ფარგლებში გვექნება შესაძლებლობა, რომ ეს ყველაფერი გავითვალისწინოთ. საბოლოო ჯამში, ამ პროცესის მიზანი არის, მივიღოთ სწორი და გამართული კანონმდებლობა. ჩვენ თვითონ ვართ დაინტერესებული, რომ გვექნება ვენეციის კომისიის დასკვნა და თუ რაიმე შენიშვნები იქნება, გავითვალისწინოთ.

თქვენ ამბობთ, რომ მიზანი გამართული კანონმდებლობის მიღება არის, მაგრამ ეს პროცესი გახდა უმრავლესობის დაშლის საფუძველი. რატომ გახდა აუცილებელი და რამდენად სწორია სასამართლო სისტემის იმ კატეგორიის მოსამართლეებით დაკომპლექტება, რომლებმაც თავის დროზე შექმნეს პოლიტიკურად მოტივირებული განაჩენები, ყველამ ვიცით, რა შედეგი მოჰყვა ამ უკანონო განაჩენებს. ამ ადამიანების უსამართლო განაჩენის საფუძველზე მოიყვანა საზოგადოებამ „ქართული ოცნება“ ხელისუფლებაში. მიგაჩნიათ, რომ სწორია ასეთი დისკრედიტირებული მოსამართლეებით სასამართლო სისტემის დაკომპლექტება?

მიმჩანია, რომ არ არის სწორი და არც არის გუნდში ისეთი განწყობა, რომ ასეთი პირები მოხდეს უზენაესი სასამართლოს დაკომპლექტება. არ ვიცი, როგორი განწყობა იქმნება საზოგადოებაში ამ საკითხთან, ანუ უმრავლესობის პოზიციასთან დაკავშირებით, მაგრამ ერთმნიშვნელოვნად შემიძლია გითხრათ, რომ უმრავლესობის პოზიცია არის, უზენაესი სასამართლო დაკომპლექტდეს კომპეტენტური, კეთილსინდისიერი და ისეთი წევრებით, რომლებიც საზოგადოებაში ნდობით სარგებლობენ. ასეთია განწყობა და ეს პროცესიც ამას ემსახურე-

ბა. დარწმუნებული ვარ, რომ უზენაესი სასამართლოს დაკომპლექტება მხარდაჭერილი იქნება საზოგადოების მიერ.

ოპონენტების არგუმენტი, რომ ივანიშვილს ასეთი მოსამართლეებით დაკომპლექტებული სასამართლო სჭირდება 2020 წლის არჩევნებისთვის და, რომ ესენი არიან მოსამართლეები, რომლებიც ყველაფერზე არიან ხელის მომწერი. პარლამენტის თავმჯდომარეს და რამდენიმე დეპუტატს ღიად ადანაშაულებენ ამ მოსამართლეების მფარველობაში...

ვერ გავიზარებ ამ ბრალდებას. სასამართლო უნდა იყოს დამოუკიდებელი, არ შეიძლება მოსამართლე და ზოგადად, სასამართლო კორპუსი რაიმე პოლიტიკური პირის გავლენის ქვეშ იმყოფებოდეს.

სასამართლო კორპუსზე. ის სისტემა, რომელიც ნაციონალურმა შექმნეს, გარკვეული პერიოდის შემდეგ ამ მოსამართლეებმა გაასამართლეს. ვიტყვი, რომ არ არის მარტივი მდგომარეობა, თუმცა ყველაფერი შედარებითია. სასამართლო სისტემა რადიკალურად განსხვავებულია იმ სასამართლო კორპუსთან, ვიდრე იყო ადრე. თუმცა, რა თქმა უნდა, ცვლილებები და რეფორმები კიდევ საჭიროა.

რაც შეეხება პარტიის გარშემო განვითარებულ მოვლენებს, პარტია „ქართულ ოცნებაში“ დაბრუნდა ირაკლი ლარიბაშვილი და პარალელურ რეჟიმში გუნდმა დაიწყო ახალი სახეების მოძიების პროცესი. 2020 წლისთვის განახლებული შემადგენლობით

მაგრამ ეს მოსამართლეები, რომლებმაც სააკაშვილის მმართველობის დროს უკანონო განაჩენებით გაითქვეს სახელი, დღეს თავისუფალი იქნებიან პოლიტიკური გავლენისგან?

სწორად ამბობთ, მართლაც, სააკაშვილის მმართველობის პერიოდში მივიღეთ სასამართლო კორპუსი, როდესაც სასამართლო მოქცეული იყო პოლიტიკური გავლენის ქვეშ. ეს გავლენა პირველ რიგში მოდიოდა პროკურატურისგან და იუსტიციის სამინისტროსგან, მთელს ამ პროცესს სათავეში ზურა ადეიშვილი ედგა. რა თქმა უნდა, ეს ყველა მოსამართლეს ერთნაირად არ ეხება, მაგრამ ზოგადი სურათი იყო ასეთი.

ჩვენ ეს გამოწვევაც გვექნება. მიუხედავად იმისა, რომ ხელი-

წარდგებით ამორჩევის წინაშე და როგორ ფიქრობთ, მიიღებთ იმ ნდობას ამომრჩევლისგან, როგორც 2012 წელს? კითხვები „ქართული ოცნების“ მმართველობასთან დაკავშირებით არის და განსაკუთრებით რეგიონებში, სადაც პირველ ადგილზე დგას კორუფციის საკითხი, ძალიან მძიმე ვითარებაა ამ თვალსაზრისით რეგიონებში...

2020 წლამდე თითქოს არ არის დიდი დრო დარჩენილი, მაგრამ პოლიტიკისთვის წელიწადნახევარი არ არის პატარა დრო. თანამედროვე პოლიტიკაში ყოველთვიურად იცვლება მოვლენები და შესაძლოა, 2020 წლის ოქტომბერზე ახლა ცოტა ნაადრევი იყოს საუბარი, მაგრამ რაც ერთმნიშვნელოვნად შეიძლება ითქვას, გუნდში განახლება იქნება, აუცილებლად იქნებიან ახალი სახეები. ნებისმიერი პოლიტიკური გუნდი ცდილობს, გარკვეული სიასხლეტი შემოიტანოს მის შემადგენლობაში.

ახალი სახეების მოზიდვის რესურსი აქვს „ქართულ ოცნებას“?

რა თქმა უნდა. ძალიან ბევრი ადამიანი ვიცი, რომელსაც სურვილი აქვს შეიქმნას პოლიტიკური კარიერა და ეს კარიერა დაუკავშიროს „ქართულ ოცნებას“. რა თქმა უნდა, ასეთი ადამიანი ბევრია, ეს გუნდის განახლების თანმიმდევრული პროცესია, ეს არ არის ერთ დღეში, ან თუნდაც ერთ კვირაში გადასასრულებელი საკითხი. ეს პროცესი თანმიმდევრულად მიმდინარეობს. ცხადია, რომ ამ თვალსაზრისით უფრო მეტი სიასხლე იქნება არჩევნების წინ.

რაც შეეხება იმას, შევძლებთ თუ არა საზოგადოების მხარდაჭერის მიღებას, ამისთვის ყველაფერს გავაკეთებთ. შევეცდებით, ჩვენ მიერ გაკეთებული საქმეები, რასაც ვაკეთებთ და ვახორციელებთ, მივიტანოთ საზოგადოებამდე. არ ვიტყვი, რომ ჩვენი ხელისუფლება იდეალურია და ყველაფერი კარგად არის ქვეყანაში, თუმცა ერთ-ერთი ჩვენი გამოწვევა ისიც არის, რომ ის სიკეთეები, რომელიც კეთდება, ვერ მიდის მოსახლეობამდე.

დამეთანხმეთ, რომ აქ არის პიარის ბრალეულობაც, რაც „ქართული ოცნების“ პრობლემა არის 2012 წლიდან...

აბსოლუტურად გეთანხმებით. თქვენ პიარი ახსენეთ და გეთანხმებით, ამ თვალსაზრისითაც მეტი გააქტიურება და მეტი კომუნიკაცია გჭირდება საზოგადოებასთან. ყველაფერს გავაკეთებთ იმისათვის, რომ საზოგადოების მხარდაჭერა მივიღოთ 2020 წლის არჩევნებზე.

ესაუბრა თამთა ძარჩავა



აშშ-ის სახელმწიფო დეპარტამენტის ანგარიშის კვლევას



უკონტროლო სთამაშო ბიზნესი და ნარკობაზარი საქართველოს დაღუპავს!

სთამაშო ბიზნესი მკაცრ რეგულაციებში უნდა მოექცეს!

„კიდევ ერთხელ გამოჩნდა, რომ უნდა დაიძვროს ჩვენ მიერ მომზადებული კანონპროექტის განხილვა და ბოლოს და ბოლოს მთავრობაც შემოიტანს კანონპროექტს, რომელიც გლობალურად მოაწესრიგებს სათამაშო ბიზნესს“... „აზარტული თამაშობების რეკლამის აკრძალვის შესახებ“ კანონპროექტის ერთ-ერთი ინიციატორი ბიძინა ზემდინაძე აშშ-ის სახელმწიფო დეპარტამენტის 2018 წლის ანგარიშს, სადაც საუბარია იმაზე, რომ საქართველოს მთავრობამ ნაბიჯები უნდა გადადგას, რათა სათამაშო ინდუსტრიაზე ზედამხედველობა მოახდინოს.



მენსაც, აღმასრულებელ ხელისუფლება-საც“ და საკანონმდებლო ხელისუფლება-საც, - აცხადებს ბიძინა გეგეიძე. კომერსანტის კითხვაზე 7-წლიანი მმართველობის პერიოდში მმართველმა გუნდმა, რომ ვერ შეძლო სათამაშო ბიზნესის დარეგულირება, არის თუ არა „ქართული ოცნების“ პასუხისმგებლობა, ბიძინა გეგეიძის პასუხი შემდეგია: „რა თქმა უნდა, ეს არის ქართული ოცნების პასუხისმგებლობა, და მე ამ პასუხისმგებლობას ვგრძნობ, ამიტომაც ვარ ერთ-ერთი ინიციატორი სათამა-

შო ბიზნესის რეკლამის კანონში ცვლილებების მეტიც, ვთვლი, რომ ვაგვიანებთ ამ კანონპროექტის მიღებას. პროცესი არ უნდა გაიწვიოს. მიზეზი არის ის, რომ ბიუჯეტში დიდი მოცულობის თანხები შედის სათამაშო ბიზნესიდან, მაგრამ განხილვის გადადებით პრობლემა ვერ გადაიჭრება. მე ვერ ვხედავ, რომ ეს პრობლემა ვინმესთვის პრობლემა არ იყოს, ყველას გააზრებული და აღქმული აქვს, უბრალოდ, სწრაფად უნდა მივიღოთ გადაწყვეტილება. ამ პროცესს დამენჯვებინებთ სჭირდება, იმისდა მი-

ხედვით რა არის ქვეყანაში გამოწვევა“, - განაცხადა ბიძინა გეგეიძე.

ნარკობიკების ტრანზიტის საქართველოზე გავლის კიდევ ერთი საკითხი, რაზეც ანგარიშში ყურადღებაა გამახვილებული, შეეხება არალეგალური ნარკოტიკების ადგილობრივი ბაზარს.

დეპუტატი სრულად იზიარებს მოსაზრებას, რომ ნარკოტიკების ტრანზიტის საქართველოს გავლით ხდება. მისი თქმით, ამ სამართალდამცველი სტრუქტურები მუშაობენ, თუმცა, ქვეყანა ფინანსური და ადამიანური რესურსით არ არის მზად, პრობლემას სრულფასოვნად ებრძოდეს.

„სამწუხაროდ, ნარკოტიკების შავი ბაზარი არსებობს, ჩვენი სამართალდამცველები, მათი შესაძლებლობებიდან გამომდინარე, ებრძვიან კრიმინალს. მაგრამ, ეს შესაძლებლობები შეზღუდულია და პირდაპირ არის ბმაში ბიუჯეტთან. ეს არის უზარმაზარი სამუშაო. აშშ-სთვისაც უზარმაზარი პრობლემაა და 21-ე საუკუნეში კედლის აშენებაზე პენტაგონმა ბიუჯეტი გამოყო. ჩვენი ადგილმდებარეობიდან გამომდინარე ნარკოტიკების ტრანზიტის ხდება, თუმცა, მთლიანობაში ეს არის გლობალური პრობლემა. სამართალდამცავი ინსტიტუტები ამ კუთხით უფრო რომ განვითაროთ, საერთაშორისო პროცესში უნდა ჩაერთოს, რათა პროგრესი განვიცადოთ და უფრო კვალიფიციური და კომპეტენტურები ვაგვხდეთ. მათ შორის კანონმდებლებიც. გლობალურ პროცესებს არ უნდა ჩამოვჩივოთ, ასალი სტანდარტების იმპლემენტაცია უნდა მოხდეს, რომელიც საერთაშორისო სტანდარტებით დანესდება ნარკოტიკებთან ბრძოლაში“, - განმარტავს ბიძინა გეგეიძე.

აშშ-ის სახელმწიფო დეპარტამენტის ანგარიშის მეორე ნაწილში, რომელიც ფულის გათვრებასა და ფინანსურ დანაშაულებს ეხება, ნათქვამია, რომ „საქართველოში არალეგალური შემოსავლის ძირითადი ნაწილი უკავშირდება საბანკო თაღლითობას, კიბერდანაშაულს, თანხების უკანონო მითვისებას“. აღნიშნულ საკითხთან დაკავშირებით ფრაქცია „ქართული ოცნება - ძლიერი საქართველოსთვის“ თავმჯდომარე თვლის რომ ამ მიმართულებით ქვეყანაში კონტროლის მექანიზმები უნდა გამკაცრდეს.

ზაზო ალაფია

საქართველოში ნებისმიერი სისხის პოლიეთილენის პარკების ნარკოება და გამოყენება იკრძალება

პარკების მწარმოებლებს საქართველოს გარემოს დაცვისა და სოფლის მეურნეობის სამინისტრო, გარემოს დაცვითი ზედამხედველობის დეპარტამენტი გააკონტროლებს; იმპორტის ფინანსთა სამინისტროს საბაჟო სამსახური გააკონტროლებს, ხოლო რეალიზატორებს - ადგილობრივი თვითმმართველობის ორგანოები.

„კომერსანტი“ დაინტერესდა, როგორ ხედებიან ახალ დადგენილებას მწარმოებლები და სავაჭრო ობიექტები.

მსუბუქი მრეწველობა, „შესაფუთი მასალები ანარმოე საქართველოში“ ხელმძღვანელის პაბლო აბრამიძის თქმით, აკრძალვა ბიზნესზე უარყოფით გავლენას არ მოახდენს.

„სადაც შეიძლება შემცირდეს გაყიდვები, სადაც გაიზარდოს, ჩვენ შემთხვევაში, მნიშვნელოვნად დიდი სამუშაო ძალა გვჭირდება.“



მკვეთრად გაიზრდება ეკოლოგიურად სუფთა პროდუქციაზე მოთხოვნა და ეს, რასაკვირველია, დადებითად აისახება როგორც ბიზნესზე, ასევე გარემოზე. ჩვენ ვანარმობთ ქალაქისა და მრავალჯერადი გამოყენების პროდუქტს, რომელიც თავის მხრივ არანაირ ზიანს არ მიაყენებს გარემოს. ჩვენი ძირითადი აქცენტი ქალაქზე იქნება გადატანილი, - აცხადებს აბრამია.

რაც შეეხება მოსაზრებას, რომ ახალი რეგულაციის შემდეგ პროდუქციის ღირებულება გაიზარდება, ამ საკითხზე „შესაფუთი მასალები ანარმოე საქართველოში“ ხელმძღვანელის პასუხი ასეთია: „თავად ადამიანმა უნდა გადაწყვიტოს უღირს თუ არა 3 და 5 თეთრის ჯანსაღ პროდუქტში გადახდა, რომელიც კვებისთვის და გარემოსთვის უსაფრთხო იქნება, ეს მათი გადასაწყვეტია. ასევე იქნება დიდი თუ პატარა მარკეტებ-

ის შემთხვევაშიც. მათზე იქნება დამოკიდებული, რამდენად გამოიყენებენ ჩვენს პროდუქციას. არის პოლიეთილენის შესახებ, რომ მიღებული დადგენილების შემდეგ სამუშაო ძალა შემცირდება, სადაც შეიძლება შემცირდეს, სადაც გაიზარდოს, ჩვენ შემთხვევაში, მნიშვნელოვნად დიდი სამუშაო ძალა დაგვჭირდება და მოხარული ვიქნებით, თუ გამოცდილი სპეციალისტები გვეყოლებიან გუნდში. საბოლოო ჯამში ადგილობრივი მწარმოებლებიც გადაერთვებიან იმ პროდუქტის წარმოებაზე, რომელსაც ბაზარი ითხოვს, - ამბობს აბრამია.

ჰიპერმარკეტ გუდვილის მენეჯერი ნატა წარმთელი „კომერსანტთან“ საუბრისას აცხადებს, რომ გუდვილი აუცილებლად გამოიყენებს იმ პროდუქციას, რომელიც კანონმდებლობით განისაზღვრა.

შეგახსენებთ, რომ 2018 წლის 1 ოქტომბრიდან საქართველოში პოლიეთილენის პარკების წარმოება, გამოყენება და იმპორტი აიკრძალა. პოლიეთილენის პარკის გამოყენებაზე პირველ ჯერზე ჯარიმა 500 ლარია, განმეორების შემთხვევაში კი 1000 ლარი. 2018 წლის 14 სექტემბერს საქართველოს საკანონმდებლო მაცნეში გამოქვეყნდა საქართველოს მთავრობის №472 დადგენილება, ტექნიკური რეგლამენტი პლასტიკისა და ბიოდეგრადირებადი პარკების რეგულირების წესის დამტკიცების შესახებ. დადგენილებაში წერია, რომ 2108 წლის 1 ოქტომბრიდან საქართველოს ტერიტორიაზე დაშვებულია მხოლოდ ბიოდეგრადირებადი და კომპოსტირებადი პარკების წარმოება, იმპორტი და რეალიზაცია. აკრძალვა ჯერ თხელ, 15 მიკრონზე (0.15 მმ) ნაკლები სისქის პარკებზე გავრცელდა.

ნათია ლომიძე

რას ნერს იტალიური პრესა ქართველი გოგონას ბარდასვალუბის შესახებ

„პირობის კიდევ ერთი მსხვერპლი“ - ამ სათაურით იტალიური პრესა ქართველი გოგონას გარდაცვალების შესახებ სტატიას აქვეყნებს. ახალგაზრდა ქართველი გოგონას ცხედარი შაბათს - დაახლოებით, საღამოს 10 საათისთვის - მილანში, მალური მაკის ქუჩაზე მდებარე სასტუმროს ერთ-ერთ ნომერში აღმოაჩინეს.

სასტუმრო ცენტრალური სადგურის მიმდებარე ტერიტორიაზე მდებარეობს. შენობის ოთახში, სადაც ახალგაზრდა ქართველი ქერა გოგონა გარდაცვლილი იპოვეს, ერთჯერადი შპრიცები, შავი კოვზი და გაცხელებული პერონიცი აღმოაჩინეს.

როგორც სტატიაშია აღნიშნული, ქართველი გოგონას გარდაცვალების სავარაუდო მიზეზად ნარკოტიკების ზედოზირება სახელდება. ახალგაზრდა ქართველი გოგონას გარდაცვალების შესახებ ინფორმაცია ქართულ მედიაში დღეს გავრცელდა, - კერძოდ, იტალიაში, მილანში, 27 წლის იზა ქავთარაძე გარდაცვლილი იპოვეს.

ახალგაზრდა გოგონას ცხედარი ექსპერტიზაზე გადაყვანილი. მომხდარის შესახებ ინფორმირებულია საკონსულოც. იზა ქავთარაძის გადმოსვენების პროცედურა ექსპერტიზის დასრულების შემდეგ დაიწყება. გარდაცვლილი გოგონა საქართველოში ვანო სარაჯიშვილის სახელობის კონსერვატორიაში სწავლობდა. ამის შემდეგ კი, ის მილანში სასწავლებლად იყო წასული.



**დუბლინი** თავისი სახელოვანი ლიტერატურული ისტორიითა და ლუდით არის ცნობილი. ლიტერატურაზე სხვაგან და სხვა დროს, აქ კი ლუდისა უნდა ვთქვათ. კი, არის გერმანია, ჩეხია თუ ბელგია, მაგრამ ლუდის გემოს მთელი თავისი სისავსით სწორედ ირლანდიაში, სწორედ დუბლინში შეიგრძნობ ადამიანი. და ამისთვის სულაც არ არის საჭირო ლუდის დაღვრა დუბლინი ლუდით სუნთქვას, ლუდით ცოცხლობს დღითა თუ ღამით. აქაური ჰაერი თითქოს ლუდის არომატით არის გაჯერებული. სწორედ დუბლინია ესოდენ პოპულარული პაბების სამშობლო, უმეტესობას რომ ინგლისური ჰგონია.

ხოლო ამ ფონზე მაინც „გინესის“ გამორჩეული — ქვეყნის სიამაყე და ლეგენდა, ერთგვარი ეროვნული სიმბოლოც კი, დაახლოებით ისეთი, როგორც კელტური არფაა. სულაც არ არის შემთხვევითი, რომ „გინესის“ ემბლემაზე, ისევე როგორც ირლანდიის სახელმწიფო გერბზე, სწორედ კელტური არფაა გამოსახული.

დღეს „გინესი“ სხვადასხვა სახის ლუდით იპყრობს ადგილობრივ თუ მსოფლიო ბაზრებს, ყველაფერი კი მუქი „გინესით“ დაიწყო, დღესაც რომ ზუსტად ისეთია, როგორც მრავალი წლის წინათ. არცერთი ლუდი არ არის ასეთი მუქი, არცერთი ლუდი არ არის ასე გამორჩეული თავისი გემოთი თუ ქაფით. ნებისმიერი ლუდის ქაფი კათხიდან ჩვეულებრივ ზემოთ ამოდის, გინესის ქაფი კი პირიქით — ქვემოთ ჩადის, ილექება. „გინესის“ ქილაში სპეციალური კავსულაა, რომელიც გახსნისას წნევის ცვლილების გამო აქტიურდება და გამოსული გაზი ლუდს ისე აქაფებს, თითქოს ეს-ეს არის ჩამოესხათ კასრიდან დუბლინის რომელიმე პაბში. არ მეგულება ლუდის მოყვარული ადამიანი, ერთი პინტა თუ არა, ერთი ქილა „გინესი“ მაინც არ გაესინჯოს, დუბლინში — მით უმეტეს. ხოლო წმინდა ჯეიმსის კარიბჭესთან მდებარე „გინესის“ მუზეუმში დუბლინის მთავარი ღირსშესანიშნაობაა. პირველი „გინესი“ სწორედ აქ მოუხარშავს არტურ გინესს, რომელსაც თავისი დღეს ასე ცნობილი ლუდსახარში 1759 წელს დაუარსებია.

მას შემდეგ ზუსტად 260 წელი გავიდა და აი, 2019 წლის 25 მარტს ვზივართ მე და ჩემი კოლეგა დათო ნინიკაშვილი „გინესის“ მუზეუმის სულ ზემოთა სართულზე, სულ ზემოდან დავეყურებთ მთელ დუბლინს, ვწრუპავთ „გინესის“ ბრენდის ახალ პროდუქტს, რომელსაც საკმაოდ უჩვეულო სახელი — „ჰოპ-ჰაუს 13“ — ჰქვია და კიდევ უფრო ზემოდან დავეყურებთ თბილისელ ლუდისმოყვარულებს.

„ჰოპ-ჰაუს 13“ პირველად გუშინ გაგვახინჯა დათოს ძველმა ნაცნობმა მინდია მამალაძემ, რომელიც მთელი ეს საუკუნეა, დუბლინში ცხოვრობს ოჯახთან ერთად. ჩემი თხოვნით, მან გუშინვე მოგვატარა თავისი მანქანით ჯეიმზ ჯოისთან და მის ნაწერებთან დაკავშირებული რამდენიმე ადგილი, მათ შორის — ჯოისის ცნობილი ქანდაკება, ანუ „ჯოისიანი კაცი“, როგორც მას იქაური ქართველები ეძახიან, როცა ერთმანეთს

შეხვედრის ადგილს უთქვამენ დუბლინის ცენტრში; ვნახეთ სენდიმანუნტის პლაჟი, სადაც სტივენ დედალოსი მიმოდიოდა „ულისეს“ მესამე თავში და სადაც ლეოპოლდ ბლუმი ააღელვა უცნობმა თინეიჯერმა მეცამეტეში; ვიყავით აგრეთვე სენდიკოვში და მოვიწინააღმდეგეთ ცნობილი მარტლოს კოშკი, სადაც 1904 წელს, ნუბაყოფლობითი ემიგრაციის წინ რამდენიმე დღე გაუტარებია ჯეიმზ ჯოისს და საიდანაც იწყება „ულისე“. თუმ-

არც „გინესს“ სჭირდება ჩემგან ამგვარი თავგამოდება. ჯასთ მეგობრული, (ლუდის)მოყვარული რჩევაა,

არის ხალხი, ვინც მსოფლიოს მრავალი ქვეყნიდან დუბლინში მხოლოდ ამ წუთებისთვის ჩამოდის: რომ გინესის მუზეუმის სულ ზემოთა სართულიდან, თუნდაც სულ ცოტა ხნით, სულ ზემოდან გადახედოს ირლანდიის დედაქალაქსა და თავისი მშობლიური ქალაქის ლუდისმოყვარულებსაც.



ცა, აკი ვთქვი, ლიტერატურაზე — სხვაგან და სხვა დროს.

ხოლო ეს „ჰოპ-ჰაუს 13“ კომპანიის შედარებით ახალი პროდუქტია — მსუბუქი ლუდი, რომელიც ღირსეულად აგრძელებს „გინესის“ ბრენდის სახელოვან ტრადიციებს, თუმცა იგი სულ რაღაც ოთხი წლისაა. ირლანდიური ქერი-სა და არომატული სვიის ნახარში ალაოს ფაქტიზი აქცენტებით თუ გარგარი-სა და ატმის ელფერი კარგა ხნით წარუშლელ გემოს გიტოვებს პირში. ამ ლუდს ავტორიც ჰყავს — პიტერ სიმსონი. ხოლო ასეთი უჩვეულო სახელი თურმე იმიტომ დაარქვეს, რომ 1900-იანი წლებიდან სწორედ ამ მისამართზე ინახავდნენ საგინესო ალაოს და აქ დღესაც არის ალაოს საწყობები, რომელთა სიახლოვეს ძველებურად დგანან ცხენებშებმული ეტლები, თუმცა ისინი ამჯერად ტურისტებს ელიან.

თუ სადმე გადააწყდებით „ჰოპ-ჰაუს 13“-ს, დაუღეველი არ გაუშვათ, ლუდის მოყვარულებო! ეს არ არის რეკლამა. ეს ჩემთვის არც არავის დაუვალებია და

ჩვენ არა. თუმცა ჩვენც, აკი ვთქვი, ზემოდან დავცქერით დუბლინსაც და ჩვენი მშობლიური ქალაქის ლუდისმოყვარულებსაც, აქ მხოლოდ ამისთვის არ ჩამოვსულვართ.

სვალ ფეხბურთია!

ირლანდიის ნაკრები საქართველოს ნაკრებს მასპინძლობს „ავივასზე“ 2020 წლის ევროპის ჩემპიონატის შესარჩევი ტურნირის ოფიციალურ მატჩში. საქართველოს ფეხბურთელთა ნაკრებმა ხუთი უწრნალისტი იახლა დუბლინში: მერაბ მამულაშვილი („ლელო“), კახა ბერიძე („ლიდერბეთი“), დავით ნიკაშვილი („აი-პრესი“), ბაჩო ცაღლელაშვილი („გოლ-ჯი“) და ამ სტრიქონების ავტორი, ვინც ამჯერად უწრნალ „ოლიმპიელისა“ და გაზეთ „საქართველოს რესპუბლიკისთვის“ უნდა გავისარჯო.

მადლობა საქართველოს ფეხბურთის ფედერაციას და საქართველოს სპორტულ უწრნალისტთა ასოციაციას, რომელთა ერთობლივი პროექტი საქართველოს ნაკრების ყოველ გასვლით მატჩზე ხუთი სპორტული უწრნალისტის თანხლებას ითვალისწინებს. უწრნალისტთა ხუთეული ყოველ გასვლაზე სხვადასხვა და დუბლინი ჩვენს ხუთეულს გვერგო. უფრო ზუსტად, ჩვენ ვერ ვეტ დუბლინს. ვერგეთ და მოვერგეთ. ან ვერ მოვერგეთ. ამას სვალ გავარკვევთ...

მატჩამდე ირლანდიელთა მატჩისწინა განაცხადს გადავხედე და იქ ჩემი ნაცნობი სახელი აღმოვაჩინე: ჯონ იგენი. მე რამდენიმე ირლანდიელს ვიცნობ პირადად და მათ შორის ერთ-ერთი სწორედ ჯონ იგენია — ოდესღაც „ნეიშნლ ჯიოგ-რაფიკის“ ფოტოგრაფი. ჩვენ ერთად ვუსვამდით ნიჩბებს ტიმ სვეერიის „არგოზე“ 1984 წელს, როცა მან არგონავტების გზა გაიარა და საბერძნეთის კუნძულ ვოლოსიდან ჭყვიშამდე იმოგზაურა. ტიმ სვეერინიც, ჯონ იგენიც და ეკიპაის რამდენიმე სხვა წევრიც ირლანდიის სამხრეთში ცხოვრობენ, კორკის მიდამოებში, დუბლინიდან მოშორებით. არ ვიცი, დაესწრებინ თუ არა ისინი სვალისდელ მატჩს, რომელშიც ჯონ იგენმაც შეიძლება მიიღოს მონაწილეობა. ეს, რა თქმა უნდა, სხვა ჯონ იგენია — იმ ჩემი ნაცნობის მოსახელე.

ახლა, როცა ამ ყველაფერს ვწერ, ეს „სვალ“ უკვე იყო. არ ვიცი, იჯდა თუ არა ჩემი ნაცნობი ჯონ იგენი „ავივას“ ტრიბუნაზე, მაგრამ მეორე ჯონ იგენი რომ მოედანზე არ გამოსულა, ფაქტია — სათადარიგო სკამზე დარჩა. დიხს, „სვალ“ უკვე იყო და იმ მატჩზე ყველამ უკვე ყველაფერი იცის — ცალკე ტელერეპორტაჟიდან და ცალკე ჩემი კოლეგების ოპერატიული მასალებიდან, რომლებსაც ისინი ონლაინ-რეჟიმში გადასცემდნენ „ავივას“ პრესლოჟიდან. მეც მიმუშავია ასეთ რეჟიმში და ვიცი, არ არის ადვილი საქმე. ჩემი ამოცანა, ამჯერად რამდენადმე განსხვავებულია — მინდა ჩემი ტექსტი, რომელიც უკვე თბილისში დაბრუნების შემდეგ გამოქვეყნდება, ახლაც და წლების შემდეგაც არანაკლებ საინტერესო საკითხავი იყოს ფეხბურთის ქართველ გულშემატკივართათვის (და არა მარტო მათთვის), იმის მიუხედავად, რომ მათ უკვე იციან, როგორ დამთავრდა მატჩი, იმის მიუხედავად, რომ მათ უკვე იციან,

...რომ ევროპის 2020 წლის პირველობის შესარჩევი ტურნირის წილისყრა სწორედ დუბლინში გაიმართა 2018 წლის 2 დეკემბერს და რომ საქართველო D ჯგუფში მოხვდა ირლანდიასთან, შვეიცარიასთან, დანიასთან და გიბრალტართან ერთად;

...რომ ირლანდია და საქართველო აქამდე ცხრაჯერ შეხვდნენ ერთმანეთს და რომ რვაჯერ ირლანდიელებმა გაიმარჯვეს და მხოლოდ შარშანწინ 2 სექტემბერს გამართული ბოლო ამხანაგური შეხვედრა დამთავრდა ფრედ;

...რომ ირლანდიელებს ქართველების კარში ამ ცხრა შეხვედრისას 17 გოლი აქვთ გატანილი, საკუთარში კი მხოლოდ 5 მიიღეს;

...რომ ამ 17-დან ყველაზე მეტი — სამი გოლი რობი კინმა გაიტანა, ხოლო ქართველთაგან გოლები მითავალეს ლევან კობიაშვილმა (2003), ლევან ყენიამ (2008), ალექსანდრე იაშვილმა (2009), თემურ ქეცბაიამ (2014) და ვალერი ყაზაიშვილმა (2017);

...რომ საქართველოს ნაკრები დუბლინში შვეიცარიასთან შინ განცდილი დასანანი მარცხის შემდეგ ჩამოვიდა და რეაბილიტაციას ესწრაფოდა;

...რომ ირლანდიის ნაკრებმა შესარჩევი ტურნირის პირველ შეხვედრაში რის ვაი-ვაგლახით დაამარცხა ჯუჯა გიბრალტარი და რომ ისიც ესწრაფოდა რეაბილიტაციას;

...რომ თამაში დაიწყო 19 საათსა და 45 წუთზე დუბლინის დროით ანუ 23 საათსა და 45 წუთზე თბილისის დროით;

...რომ ეროვნული ჰიმნები სტადიონზე სამხედრო ორკესტრმა შეასრულა;

...რომ პირველად შეხვედრაში და და თითოეულ ფეხბურთელს ხელის ჩამორთმევით მიესალმა ირლანდიის პრეზიდენტი მაიკლ ჰიგინსი, რომელიც 2011 წლიდან, ორი მერის — მერი რობინსონისა და მერი მაკელისის 21-წლიანი პრეზიდენტობის შემდეგ იკავებს ქვეყნის პირველი პირის სავარძელს;

...რომ დუბლინურ მატჩში საქართველოს ნაკრებს აკლდა ორი ნამყვანი მოთამაშე — 19 წლის ამომავალი ვარსკვლავი გიორგი ჩაკვეტაძე და გამოცდილი ჯანო ანანიძე;

...რომ 26 მარტი ოთარ კიტეიშვილის დაბადების დღე იყო და მან ეს დღე არცთუ ურიგო თამაშით აღნიშნა;

...რომ ამ მატჩში შედგა ვატო რევაზის ძე არველაძის სანაკრებო დებიუტი, თანაც პირდაპირ ძირითად შემადგენლობაში, თუმცა ჩვენ მის გამოჩენას უფრო წინა თამაშის ბოლო წუთებზე ველოდით შვეიცარიასთან;

...რომ ასევე პირველად გამოჩნდა ეროვნული ნაკრების რიგებში შეცვლაზე შემოსული ლევან ხარაბაძე;

...რომ გუნდები მოედანზე ასეთი შემადგენლობებით გამოვიდნენ:

ირლანდია — დერენ რენდოლფ (23), სიმუს კოულმენ (2, კაპ.), ენდა სტივენს (3), შეინ დაფი (4), რიჩარდ კეო (5), გლენ უილან (6), დევიდ მაკგოლდრიკ (9), რობი ბრეიდ (10), ჯეიმს მაკკლინ (11), ჯეფ ჰენდრიკ (13), კონორ ჰაურიჰან (17);

...რომ 82-ე წუთზე ბრეიდი და მაკგოლდრიკი ეიდინ ო'ბრაიენმა (14) და მეთუ დოჰერტიმ (7) შეცვალეს;

საქართველო — გიორგი ლორია (1), ოთარ კაკაბაძე (2), დავით ხოჭოლავა (3),



გურამ კაშია (4), საბა კვიციანი (5), ნიკა კვიციანი (6), ჯაბა კანკავა (7, კაპ.), ოთარ კიტეიშვილი (9), გიორგი ქვიციანი (11), ვატო არველაძე (14), ვალერიან გვილია (21);

...რომ 65-ე წუთზე ხოჭოლავე ლევან ხარაბაძემ (16) შეცვალა, ხოლო 73-ე წუთზე არველაძის ნაცვლად, მოედანზე ვაკო ყაზაიშვილი (8) გამოვიდა;

...რომ მატჩის არბიტრი იყო ჰოლანდიელი სერდარ გიორგიშვილი; რომ მას ეხმარებოდნენ მისი თანამემამულენი: გვერდითი მსაჯეები ჩარლზ სპააფი, იან დე ვრისი და მეოთხე მსაჯე დენის ჰიხლერი; და რომ დამკვირვებელი რეფერი იყო იტალიური მატეო ტრაფლონი, ხოლო უფას დელაგატი - ისლანდიელი ვიგნიორ მარ ტორმოლდსონი;

...რომ ეს მატჩი პირველი იყო „ავივაზე“ ირლანდიელთა მწვრთნელის მიკ მაკკარტიისთვის, რომელიც ნაკრების მთავარი მწვრთნელის პოსტზე გასული წლის ბოლოს დაბრუნდა 17-წლიანი „შესვენების“ შემდეგ.

...რომ ჯაბა კანკავამ და გურამ კაშიამ გაფრთხილებები მიიღეს შესაბამისად მე-15 და 33-ე წუთებზე;

...რომ სწორედ კაშიას მიერ წესების დარღვევას მოჰყვა მატჩის ერთადერთი გოლი, რომელიც 36-ე წუთზე საჯარო დარტყმით გაიტანა კონორ ჰაურიჰანმა;

...რომ მანამდე, როცა ჯარიმა უკვე დანიშნული იყო, ირლანდიის ფეხბურთის ფედერაციის საპროტესტოდ და მისი აღმასრულებელი დირექტორის ჯონ დელენის გადადგომის მოთხოვნით, ირლანდიელთა კარის მხარეს გულშემატკივრებმა ჩოგბურთის ბურთები გადმოყარეს და თამაში რამდენიმე წუთით შეწყდა;

...რომ მატჩის შემდეგ საქართველოს ნაკრების მწვრთნელი ვლადიმერ ვაისი იტყვის, ცოცხალი კედელი არასწორად იყო დაყენებული;

...რომ მატჩის შემდგომ პრესკონფერენციაზე მიკ მაკკარტი განაცხადებს, ამ მომენტს ჩვენთვის ხელი არ შეუშლია და კონცენტრაცია არ დაუკარგვინებია;

...რომ გამართლდა საქართველოს ნაკრების მთავარი მწვრთნელის ვლადიმერ ვაისის შიში, რომ მთავარი საფრთხე მის გუნდს სტანდარტული სიტუაციიდან ელოდა;

...რომ გამართლდა ირლანდიელთა მწვრთნელის მიკ მაკკარტიის იმედიც, რომ მისი გუნდი საქართველოსთან გაცილებით უკეთ ითამაშებდა, ვიდრე გიბრალტართან;


...რომ ვლადიმერ ვაისმა ირლანდიელთა წინააღმდეგ ოთხჯერ გაიყვანა თავისი გუნდი (ორჯერ სლოვაკეთისა და ორჯერ საქართველოს) და ვერც ერთხელ ვერ შეძლო მათი დამარცხება, თუმცა სლოვაკეთს მის ხელში ირლანდიასთან არ წაუგია და ორჯერვე ფრედ ითამაშა;

...რომ მიუხედავად ვაისის და ქართველ ფეხბურთელთა არაერთი განცხადებისა, რომ ეს წარუმატებელი სერია უნდა დაემთავრებინათ, ირლანდიამ მეცხრე თამაში მოუფო საქართველოს...

მკითხველმა ისიც კი იცის, რომ სტადიონისკენ მიმავალთ გზად ხუთჯერ იანდროშაშვილი ჩიკაგოელი გულშემატკივარი შეგვხვდა და ქართულად გამთავებლად პარაკადა; თომასი რქმევია; თბილისში უსწავლია, ჯავახიშვილის უნივერსიტეტში; შარვლის ტოტი აინია და წვივზე ამოსვირინებული ქართული სიტყვები გვაჩვენა: „სიკეთე არის სიძლიერე“; თენგიზ აბულაძის სიტყვებიაო, გვიტხრა...

დაიხ, მკითხველმა უკვე ბევრი რამ იცის ამ მატჩის შესახებ თუ ირგვლივ, მაგრამ ოპერატიულ ინფორმაციაში ყველაფერი ვერ ეტევა და ამიტომ ქართველმა გულშემატკივრებმა ჯერ შეიძლება არ იცოდნენ,

...რომ ირლანდიის ნაკრებს საქართველოსთან შეხვედრამდე 26 მარტს 6 მატჩი ჰქონდა ნათამაშევი, რომელთაგან ორი მოიგო (1980 წელს კვიპროსთან 3:2 და 2011 წელს იუგოსლავიის ყოფილ მაკედონიასთან 2:1), ორი ნააგო (1985 წელს ინგლისთან 1:2 და 1986 წელს უელსთან 0:1) და ორიც ფრედ დაამთავრა (2005 წელს ისრაელთან 1:1 და 2013 წელს ავსტრიასთან 2:2);



...რომ საქართველოსაც ჰქონდა 26 მარტს შეხვედრები და რომ 2005 წელს საბერძნეთთან მსოფლიო ჩემპიონატის შესარჩევ მატჩში ჩვენ თბილისში დავემარცხეთ 1:3, ხოლო 2011 წელს ისევ თბილისშივე ევროპის ჩემპიონატის შესარჩევ მატჩი მოვუგეთ ხორვატიას ლევან კობიაშვილის მიერ 90-ე წუთზე გატანილი გოლის წყალობით;

...რომ მიკ მაკკარტიის თქმით, თუმცა მისმა გუნდმა შესარჩევის ორივე პირველი მატჩი ერთნაირი ანგარიშით - 1:0 მოიგო, ეს მატჩები მისთვის დიამეტრალურად განსხვავებული იყო და რომ მას ეჯავრება გიბრალტართან მატჩის თითოეული წუთი, მაშინ როცა საქართველოსთან მატჩით ფრიად კმაყოფილია...

...რომ საქართველოს გუნდის შემადგენლობა „ავივაზე“ ქართულად გატანისადა და ეს გააკეთა ბადრი ბელქანიამ, თავისუფალი უნივერსიტეტის კურსდამთავრებულმა, რომელიც რამდენიმე თვით დუბლინში იმალდებს მაგისტრანტის კვალიფიკაციას;

...რომ ირლანდიელთა მწვრთნელი მიკ მაკკარტი თავის დროზე ცნობილი ფეხბურთელი იყო და რომ 57 მატჩი აქვს ნათამაშევი ირლანდიის ნაკრებში, აქედან 22-ში გუნდის კაპიტანი იყო და „ფანტასტიკური კაპიტანი“ სახელიც დაიმსახურა;

...რომ ირლანდიელებს წარსულში ჰყავდათ სხვა მიკ მაკკარტიც, მეკარე, რომელიც დღემდე ახსოვთ თავისი განუყრელი კეპით და რომელიც 30-იან წლებში ჯერ კორკის გუნდში თამაშობდა, შემდეგ - „შეფილდ იუნაიტედში“ და რომ 1932 წელს იგი ქვეყნის ნაკრებშიც მიიწვიეს ჰოლანდიის წინააღმდეგ მატჩში, რომელიც ირლანდიელებმა 2:0 მოიგეს;

...რომ ეს მეორე მიკ მაკკარტი ირლანდიის ნაკრების ერთ-ერთ ყველაზე წარმატებულ მწვრთნელად ითვლება და რომ იგი ეროვნულ გუნდს პირველად 1996 წელს ჩაუდგა სათავეში და 6 წლის მანძილზე მისი ხელმძღვანელობით გამართული 68 მატჩიდან ირლანდიამ მოიგო 29, ნააგო 19 და ფრედ დაამთავრა 20 ბურთების საერთო შეფარდებით 112:66;

...საქართველოსთან არა, მაგრამ შვეიცარიასთან მიკ მაკკარტის ძველი ანგარიშები აქვს გასასწორებელი - სწორედ შევიცარიასთან დამარცხდა მისი გუნდი საშინაო მატჩში 2002 წლის 16 ოქტომბერს ანგარიშით 1:2, რითაც დასრულდა ნაკრებში მიკ მაკკარტის თავდაცვლის ის პირველი ვადა;

...რომ მიუხედავად მიკ მაკკარტიის მრავალწლიანი სამწვრთნელო პრაქტიკისა, ეს მისთვის პირველი მატჩი იყო „ავივაზე“, როგორც მწვრთნელისთვის;

...რომ დუბლინის „ავივას“ ახალდიონზე, რომელიც 2010 წლის 14 მაისს გაიხსნა და 51700 კაცს იტევს, აკრძალულია მონევა და ჩანთებით შესვლა და რომ ამ სტადიონზე გაიმართება 2020 წლის ევროპის ჩემპიონატის ჯგუფური ეტაპისა და მეთექვსმეტედფინალის მატჩები;

...რომ მატჩის 68-გვერდიან პროგრამაში ირლანდიელთა მწვრთნელის, აგრეთვე ირლანდიის ფეხბურთის ფედერაციის პრეზიდენტისა და აღმასრულებელი დირექტორის მისასალმებელ წერილებში ისინი ქების სიტყვებს არ იშურებენ საქართველოს ნაკრების მიმართ და თავიანთ მიმართებს ერთნაირი სიტყვებით ამთავრებენ: „ისიამოვნეთ თამაშით“;

...რომ ირლანდიის გულშემატკივრების აქტიუობას სტადიონზე წარმართავს ირლანდიაში კარგად ცნობილი სტაჟიანი გულშემატკივარი, სახელად - ჯიმ ფინერტი, რომელიც თავისი პატარა ზანზალაკით მოუწოდებს მათ, მხარდამჭერი სიმღერისაკენ...

სწორედ მის ნიშნზე იყო, რომ მატჩის ბოლო წუთებზე თამაში ნასიამოვნებ ირლანდიელ გულშემატკივართა ალტაცებული სიმღერა ცას ებჯინებოდა. ორმილიონიან დუბლინში ცათამბჯენები არ არის, მაღალი სახლიც იშვიათია, ძირითადად ერთ-ორ-სამ-სართულიანი ქალაქია, რაღაც შინაურული, ინტიმური. სულ არ გეჩვენება შეუძლებლად მისი ფეხით შემოვლა. არც არის შეუძლებელი. ჩვენც ძირითადად ფეხით დავდივართ. ასე უფრო შეიგრძნობ უცხო ქალაქის ატმოსფეროს, რომელიც, ავი ვთქვი, ლუდის არომატით არის გაჯერებული...

**ჯაბა ნაცვლიშვილი,**  
დუბლინი-თბილისი.  
აპტიონის ფოტოები  
(დასასრული მომდევნო ნომერში)

## საქართველოს ტურიზმის შესახებ ახალი კანონი ექნება

საპარტიზო ტურიზმის ახალ კანონმდებლობაზე მუშაობს. უკვე დაანონსებულია, რომ კანონმდებლობა სიღრმისეულად შეიცვლება. პარლამენტში კანონპროექტზე მსჯელობა და კონსულტაციები უკვე დაწყებულია. შექმნილია სამუშაო ჯგუფიც, პროცესში ჩართულია ტურიზმის ეროვნული ადმინისტრაცია, USAID-ის ექსპერტები და ბიზნეს სექტორი.

მოქმედი კანონის ნაკლოვანებებსა და სამომავლო გეგმებზე ბათუმში გამართულ ტურისტულ ფესტივალზე „ტურისტერი“ ისაუბრეს. როგორც დარგობრივი ეკონომიკისა და ეკონომიკური პოლიტიკის კომიტეტის თავმჯდომარის მოადგილე გიორგი ბეგაძემ განაცხადა, იმ ფონზე როდესაც ქვეყანაში ტურისტების დინამიკა და ტურიზმიდან შემოსავლები იზრდება არსებული კანონმდებლობა რეალობას ვერ პასუხობს.

კანონმდებელს მიაჩნია, რომ ტურიზმის განვითარება სიღარიბის დაძლევისა და მცირე და საშუალო ბიზნესის განვითარების საუკეთესო იარაღია და საქართველომ უნდა იზრუნოს ტურისტული სერვისების დივერსიფიკაციაზე. „ეს სერიოზული გამოწვევაა და იმის გამო რომ ჩვენ ვერ შევძელით პროდუქტების დივერსიფიკაცია ეკონომიკამ მნიშვნელოვანი შემოსავლები დაკარგა. მიმართა, რომ აჭარაში ყველაზე მეტად შევხვდებით დივერსიფიცირებულ სერვისებს და პროდუქტებს“.

**კულტურული მემკვიდრეობის ძეგლებზე საინფორმაციო დაფების განთავსება სავალდებულო.**

როგორც დარგობრივი ეკონომიკისა და ეკონომიკური პოლიტიკის კომიტეტის თავმჯდომარის მოადგილე გიორგი ბეგაძემ ბათუმში გამართულ ტურიზმის ფესტივალ „ტურისტერი“ სიტყვით გამოსვლისას განმარტა, როდესაც ტურიზმის განვითარებაზეა მსჯელობა მნიშვნელოვანია ტურისტი იღებდეს სრულფასოვან ინფორმაციას.

„საინფორმაციო დაფებზე წარწერა რამდენიმე ენაზე იქნება და ტურისტი მიიღებს ძეგლის შესახებ მინიმალურ ინფორმაციას, ამავედროულად იგეგმება ბარკოდების დატანება, რომელიც ტურისტებს შესაძლებლობას მისცემს მობილური ტელეფონის აპლიკაციით მიიღოს სრულფასოვანი ინფორმაცია კულტურული მემკვიდრეობის ძეგლის შესახებ“, - განაცხადა გიორგი ბეგაძემ.

## ინგლისური ენის უფასო კურსი პანკისის სკოლის მოსახლეობისთვის

ინსტიტუტის სასწავლო ცენტრი იწყებს მსურველების რეგისტრაციას ინგლისური ენის შემსწავლელ უფასო კურსზე, პანკისის სკოლის მოსახლეობისთვის.

სამოქალაქო თანასწორობისა და ინტეგრაციის სახელმწიფო სტრატეგიის ფარგლებში, პანკისის სკოლაში მცხოვრები სრულწლოვანი პირებისთვის, ინგლისური ენის უფასო 6 თვიანი კურსი ჩატარდება. მსურველებს რეგისტრაციის გავლა შეუძლიათ 21 აპრილამდე, მითითებულ ბმულზე: <https://bit.ly/2uBqygK> ინგლისური ენის შემსწავლელ კურსზე შეირჩევა პირველი 30 რეგისტრირებული პირი.

სწავლება ყვარელწყლის საზოგადოებრივ ცენტრში ჩატარდება და ის ნოემბერში დასრულდება. კურსის ბოლოს პროექტის მონაწილეებს გადაეცემათ სერტიფიკატები.

პლანეტის სიცოცხლის ერთ-ერთი მთავარი საყრდენი, დედამიწის ბუნებრივი გარემო არა თანდათან, არამედ სწრაფად მცირდება. ბუნებრივი გარემო მცენარეები, ცხოველები, ფრინველები და სხვა ცოცხალი ორგანიზმები. თუ საგანგებო ზომები არ იქნა მიღებული, ტყეების მასობრივი გაკაფვა, წყლების და მინების ქარბი ექსპლუატაცია, ჰაერის და წყლის დაბინძურება, ცოცხალი ორგანიზმების თანდათან განადგურება დრამატულ ცვლილებებს გამოიწვევს.

დაიწყება ადამიანთა მასობრივი მიგრაცია, გაცილებით მასშტაბური, ვიდრე ეს აქამდე იყო. საბოლოო ჯამში კი ამ ყოველივემ პლანეტაზე სიცოცხლე შესაძლებელი აღარ იქნება.

ასეთ დასკვნამდე მივიდნენ ახალი, 8 000-გვერდიანი გლობალური შეფასების ავტორები, რომელთაც შეაჯამეს დედამიწაზე შექმნილი სიტუაცია 2005 წლიდან 2018-ის ჩათვლით. ნაშრომზე 50 ქვეყნის 150-ზე მეტი მეცნიერი და დამატებით 250 ექსპერტი მუშაობდა.

გლობალური შეფასება საბოლოო სახით მაისში გამოქვეყნდება. მისი პრეზენტაცია 6 მაისს, პარიზში, „იუნესკოს“ საერთაო ოფისში გამართულ მიღებაზე იგეგმება.

პარიზში შეხვედრას 130 ქვეყნის წარმომადგენელი დაესწრება და სავარაუდოდ, მოხდება შესაბამისი შეთანხმების ხელმოწერა, რომელიც წარმატების შემთხვევაში, გარემოსა და ადამიანის უკეთეს დასაცავს უზრუნველყოფს. პრეზენტაცია პირდაპირ ეთერში გადაიკეთება ცენტრალური ევროპის დროით, დღის 3 საათზე ვებგვერდზე: <https://www.ipbes.net>

ნაშრომის ავტორია გაეროს პარტნიორი საერთაშორისო ორგანიზაცია „ბიომრავალფეროვნების და ეკოსისტემების სერვისების სამეცნიერო-საკანონმდებლო მთავრობათაშორისი პლატფორმა“ (IPBES). 2012 წელს შექმნილი ორგანიზაციის მიზანია, გადამწყვეტილებათა მიმღებ სტრატეგიებს მიანოდონ საჭირო მტკიცებულებები, რათა ბიომრავალფეროვნებისა და ეკოსისტემების გამოყენება გარემოს დაცვის ინტერესების გათვალისწინებით მოხდეს და საბოლოო ჯამში, უზრუნველყოფილ იქნეს პლანეტაზე ადამიანთა ხანგრძლივი კარგად ყოფნა და მდგრადი განვითარება.

„ცოცხალი ორგანიზმების, ეკოსისტემების და გენეტიკური მრავალფეროვნების განადგურება უკვე წარმოადგენს ადამიანის კარგად ყოფნისთვის, მთელი თაობისთვის შექმნილ, გლობალურ საფრთხეს. შემდეგი ათწლეულების განმავლობაში, გადამწყვეტი გამოწვევა იქნება ბუნების მიერ ადამიანისთვის ნაბოძები, შეუფასებელი სიმდიდრის დაკავა.

ნებისმიერი დონის კანონები, მცდელობები და ქმედებები წარმატებული იქნება მხოლოდ იმ შემთხვევაში, თუ ეს საუკეთესო ცოდნაზე და მტკიცებულებებზე იქნება დაფუძნებული. სწორედ ეს არის ის, რასაც IPBES-ის გლობალური შეფასება



# კრიზისი, როგორც პლანეტაზე სისოცხლეს საფრთხეს უქმნის

უზრუნველყოფს“ – ამბობს სერ რობერტ უოტსონი, ორგანიზაციის თავმჯდომარე.

გლობალურ შეფასებაზე მეცნიერები 3 წლის მანძილზე მუშაობდნენ. მათ შეისწავლეს მთელი პლანეტის ეკოსისტემები, ანტარქტიკის გარდა, ხმელეთის და ღია ოკეანის წყლების ჩათვლით. ნაშრომი აერთიანებს 15 000-ზე მეტ წყაროს.

მეცნიერებმა გააანალიზეს პლანეტაზე ბოლო 50 წლის მანძილზე მომხდარი ცვლილებები. საუბარია მაგალითად, ვაჭრობის და სხვა გლობალური პროცესების გავლენაზე პლანეტის ბიომრავალფეროვნებაზე და ეკოსისტემებზე; იმაზე, თუ რა ცვლილებები მოუტანა ადგილობრივმა კონკურენციამ გლობალურ მდგრად განვითარებას; ასევე, თუ რა გავლენას ახდენს კლიმატური ცვლილებები ინვაზიურ მწერებზე, წყლის და მიწის მოხარებაზე, გარემოს დაბინძურებაზე.

ანგარიში აჯამებს პარიზის კლიმატის ცვლილებების, გაეროს მდგრადი განვითარების მიზნების, თუ სხვა საერთაშორისო შეთანხმებების მიერ ამ მიმართულებით მიღწეულ (თუ ვერ მიღწეულ) პროგრესს. ის ამავე დროს, ექსპერტთა მტკიცებულებებზე დაყრდნობით, სახელმწიფოთა მთავრობებს წარუდგენს სარეკომენდა-

ციო ქმედებების სიას, რომელიც ვითარების გაუმჯობესების მიზნით, რეგიონული და გლობალური მასშტაბით უნდა დაინერგოს.

მაქსიმალური სიზუსტის დაცვის მიზნით, აღნიშნული შეფასება ღია და გამჭვირვალე პროცესის უზრუნველყოფით, ასობით დამოუკიდებელმა გარეშე ექსპერტმა უკვე ორჯერ განიხილა. მათ შორის იყვნენ მეცნიერები, მთავრობის და კერძო სტრუქტურების წარმომადგენლები.

დედამიწაზე მოსახლეობის ზრდასთან ერთად, სიმინდისა და სხვა კულტურებისთვის განკუთვნილი საკულტივაციო მიწის ფართობი მომდევნო 30 წლის მანძილზე 724 მილიონი ჰექტარით გაიზრდება – აცხადებს აღნიშნულ ანგარიშზე დაყრდნობით, IPBES-ის აღმასრულებელი მდივანი ანნე ლარიგაუდერი. საუბარია თითქმის ავსტრალიის კონტინენტის ზომის ფართობზე.

„მთავარი კი აქ არის ის, თუ საიდან უნდა მოვიდეს ეს უზარმაზარი მოცულობის ახალი მიწა?“ – თქვა ლარიგაუდერმა ეკვიპტეში ცოტა ხნის წინ გამართულ, გაეროს ბიომრავალფეროვნების ერთ-ერთ შეხვედრაზე, რომელსაც ბევრი მთავრო-

ბის სამინისტროთა წარმომადგენელი ესწრებოდა. „ეს მნიშვნელოვანი საკითხია, რომელსაც ნათელი უნდა მოეფინოს“. თუმცა, ლარიგაუდერის თქმით, ექვგარეშეა ის, რომ მიწაზე და ენერჯიაზე მოთხოვნა გაიზრდება და ამას ბიომრავალფეროვნებაზე უარყოფითი გავლენა ექნება.

ბოლო ერთი წლის მანძილზე, პლანეტაზე შექმნილ ვითარებასთან დაკავშირებით, ანალოგიური დასკვნა არაერთმა ავტორიტეტულმა ორგანიზაციამ გამოიტანა. საგანგებო იყო გაეროს ახალი ანგარიში, რომელიც სულ რამდენიმე კვირის წინ, თებერვალში გამოიცა.

მიწის, მცენარეების, ხეებისა და იმ ცოცხალი ორგანიზმების განადგურება, რომლებიც მცენარეთა დამტვერვაში მონაწილეობენ, საფრთხის ქვეშ აყენებს დედამიწაზე საკვების შექმნის ბუნებრივ პროცესს – ნათქვამია გაეროს საკვებისა და სოფლის მეურნეობის ორგანიზაციის მიერ გამოქვეყნებულ ნაშრომში.

გაეროს ანგარიშის მიხედვით, ბუნებრივი გარემოს მოსპობის პროცესებს სახელმწიფოების ეკონომიკური ზრდით უზომო გატაცებაც უწყობს ხელს. განსაკუთრებული რისკია მოსახლეობის აჩქარებული ტემპით გამრავლებაც.

მაგალითად, სამხრეთ ამერიკის ქვეყნებში მთლიანი შიდა პროდუქტი შემდეგ 30 წელში თითქმის გაორმაგდება. მოსახლეობა კი იქ, იმავე პერიოდში, 20 პროცენტით, 1.2 მილიარდამდე გაიზრდება.

ასევე საინტერესოა ველური ბუნების მსოფლიო ფონდის (WWF) ანგარიში, რომელიც 2018 წლის ოქტომბერში გამოქვეყნდა. ანგარიშის მიხედვით, ბოლო 40 წლის მანძილზე, პლანეტაზე ველური საყვაროს 60 პროცენტი განადგურდა.

მეცნიერები გარეული ცხოველების მასობრივ განადგურებას ტყეთა მასივების შემცირებით, გარემოს დაბინძურებით ტემპების ზრდით და კლიმატური ცვლილებებით ხსნიან. მაგალითებს შორის სახელდება სპილოების პოპულაციის შემცირება ტანზანიაში 60 პროცენტით და 100 000-ზე მეტი ორანგუტანგის დაღუპვა ბორნეოში, რაც ტყეების გაკაფვის გამო მოხდა.

ანგარიში ასევე საუბარია ბოლო 30 წლის მანძილზე დედამიწის წყლებში მარჯნის რიფების განახევრებაზე. ამ მოვლენას მეცნიერები კლიმატური ცვლილებებით ხსნიან, რაც ადამიანის საქმიანობას უკავშირდება. მკვლევარები ვარაუდობენ, რომ ოკეანის წყლის ტემპერატურის ზრდის გამო, პოლარული დათვების რაოდენობა 2050 წლამდე 30%-ით შემცირდება.

ველური ბუნების დაცვის მსოფლიო ფონდი მსოფლიოს ლიდერებს საერთაშორისო ხელშეკრულების დადებისკენ მოუწოდებს, რომელიც ველურ საყვაროს დაცვას. ფონდის გენერალური დირექტორის მარკო ამბერტინის თქმით, ხელშეკრულება სასწრაფოდ, ორი წლის ვადაში უნდა ამოქმედდეს, რომ პლანეტის ბინადრების გადარჩენა მოესწროს.

მანია ძვარცხანა

## ინდირა განდის უპილიუპილი ინდოეთის პარტიის მინისტრობისთვის იბრძვის

სულ ცოტა დრო დარჩა ინდოეთში საპარლამენტო არჩევნების ჩატარებამდე. ინდოეთის ცენტრალური საარჩევნო ადმინისტრაციის განცხადებით, არჩევნები 14 აპრილს დაიწყება და 19 მაისამდე გასტანს. არჩევნები 7 ეტაპად გაიმართება, ხმების დათვლას ცენტრალური საარჩევნო კომისია 23 მაისიდან შეუდგება. ამომრჩევლები ინდოეთის საკანონმდებლო ორგანოს, პარლამენტის ქვედა პალატის, „ლოკ-სიბჰის“ მე-17 მონვევის დეპუტატებს აირჩევენ.



ამჟამად, ინდოეთის მმართველი პარტია „სახალხო პარტია“, რომელსაც სხვაგვარად ბჰარატა ჯანატა ეწოდება. ქვეყანას კი პარტიის ლიდერი, პრემიერ-მინისტრი ნანენდრა მოდი მართავს. მოდის პარტია ქვეყნის სათავეში 2014 წლის არჩევნების შედეგად მოვიდა და 2019 წლის არჩევნებშიც გეგმავს გამარჯვებას. „სახალხო პარტიის“ და პრემიერ-მინისტრის ნარენდრა მოდის მთავარი კონკურენტი ინდოეთის ყველაზე დი-

დი და ხანდაზმული პოლიტიკური გაერთიანების „ინდოეთის ეროვნული კონგრესის“ ლიდერი რაჰულ განდია.

რაჰულ განდის ინდოეთის ყველაზე გავლენიანი და ცნობილი პოლიტიკური დინასტიის – განდების გვარის წარმომადგენელია. რაჰულ განდი ინდოეთის ყოფილი პრემიერ-მინისტრის რაჯივ განდის შვილია. დედამისი სონია განდი, მეუღლის რაჯივ განდის გარდაცვალების შემდეგ, პრემიერ-მინისტრის კანდიდატურად განიხილებოდა, თუმცა იტალიური წარმოშობის გამო უარის თქმა მოუწია პოლიტიკურ ლიდერობაზე. რაჰულ განდის ბებია ინდირა განდი ინდოეთის პირველი ქალი ლიდერი იყო და ქვეყანას 1966-1977 და 1980-1984 წლებში განაგებდა მის მკვლევლობამდე.

რაჰულ განდის დიდი ბაბუა კი იყო ყველასთვის ცნობილი ჯავარპარალ ნერუ, ინდოეთის „დამფუძნებელი მამა“, დამოუკიდებლობის მოძრაობის ერთ-ერთი უმნიშვნელოვანესი ლიდერი, ინდოეთის პირველი პრემიერ-მინისტრი 1947-1964 წლებში. საპარლამენტო არჩევნებში ბევრი სხვა პოლიტიკური პარტიაც მიიღებს მონაწილეობას, თუმცა ძირითად მოთამაშეებად „სახალხო პარტია“ და „ინდოეთის ეროვნული კონგრესი“ რჩებიან.

## ყირიმის თემა საგულაოდ დახურულია

ყირიმის თემა საგულაოდ დახურულია და ტერმინები ოკუპაცია და ანექსია მიუღებელია, – ამის შესახებ რუსეთის პრეზიდენტის პრესმდივანმა დიმიტრი პეს-

კოვმა უკრაინის პრეზიდენტობის კანდიდატის ვლადიმერ ზელენსკის სიტყვებზე საპასუხოდ განაცხადა.

„რაც შეეხება ყირიმის ამ კონტექსტში მოხსენიებას, დაუშვებელია მიგვაჩნია. ყირიმის თემა განხილვას საერთოდ არ ექვემდებარება – ეს თემა ერთხელ და სამუდამოდ დახურულია. უფრო მეტიც, სიტყვები ოკუპაცია და ანექსია აბსოლუტურად მიუღებელია. ყველაფერი რაც ყირიმში მოხდა, სხვათა შორის უკრაინის კანონმდებლობისა და საერთაშორისო სამართლის შესაბამისია“, – განაცხადა პესკოვმა ზელენსკის მიერ უკრაინის ოკუპირებული და ანექსირებული ტერიტორიების ხსენების შესახებ.

„მზად ვართ, უკრაინის ნებისმიერ მოქალაქეს განვუმარტოთ, რომ რუსეთი უკრაინის არანაირი ტერიტორიების ოკუპაციას არ ახდენს და საერთოდ, ამაზე საუბარი არ შეიძლება, იყოს. რადგან დონბასის არაღიარებული რესპუბლიკა თავისი სურვილით არის განდგომილი უკრაინისგან“, – განაცხადა პესკოვმა.

უკრაინაში პრეზიდენტის არჩევნების პირველი ტური 31 მარტს გაიმართა. ვერც ერთმა კანდიდატმა საჭირო ხმების 50 პროცენტი დააგროვა. არჩევნების მეორე ტურში, რომელიც 21 აპრილს უნდა ჩატარდეს, მონაწილეობას ვლადიმერ ზელენსკი და პეტრო პოროშენკო მიიღებენ.



კოლორიტი



ქართული ჰანგებიტ მსოფლიოს გარშემო

არაფერს არ ვნანობ, ყველაფერი იყო ჩემს ცხოვრებაში

ელის კიკუაძე

დაიჯერებთ? იგი 70 წლისა შესრულდა, მაგრამ კვლავ ჩვეული ენერჯით, დაუღალავი შრომით იღვწის. შესანიშნავი მომღერალი, მწერალი, პოეტი, საზოგადო მოღვაწე, დაუღლელი მეგობრობასა და სიყვარულში, მართლაც უბერებელი და ყველასთვის საყვარელი და დასაფასებელი ადამიანი ხელხავერიელად შეხვდა თავის საიუბილეო წელს.

ამის დასტური იყო რუსთაველის სახელობის აკადემიურ სახელმწიფო თეატრში გამართული მომღერლის საიუბილეო საღამო და მისი ახალი, ავტობიოგრაფიული და ვიტყვოდი, მეტად ორიგინალური მემუარული წიგნის „ქართული ჰანგებიტ მსოფლიოს გარშემო“ წარდგინება, ამას დაემთხვა მწერალთა შემოქმედებით კავშირში მისი მიღებაც. ამის დასტური იყო ის სამსაათნახევრიანი, მაყურებლისთვის დაუღლელი და მეტად საინტერესო საღამო. ქართული ესტრადის ვარსკვლავს სიყვარულით მიმართეს მწერალმა რევაზ მიშველაძემ, ცნობილმა მეცნიერმა და მწერალმა არნოლდ გეგუჭკორმა, პოეტებმა ერეკლე სალიანიამ და თინათინ

მღვდლიაშვილმა, აკადემია „ფაზისის“ პრეზიდენტმა ნუგზარ ნადარაიაშვილმა. საიუბილეო კონცერტში მონაწილეობდნენ აფხაზეთის სახელმწიფო ცეკვისა და სიმღერის ანსამბლი ლევან ღვინჯილიას ხელმძღვანელობით, ბესო კალანდაძე, თანამედროვე ცეკვების ანსამბლი დიანა ცინცაძის ხელმძღვანელობით და ამირან შალიკაშვილის სახელობის პანტომიმის თეატრის მსახიობები სალომე ფილიპოვი და გიგი ლორია. ენრიკო ჯანელიძე მაყურებელი ყველასთვის საყვარელი ჰიტებით დაატკბო.

საიუბილეო საღამომდე მომღერალმა გაგვანდო: „ვემზადები იუბილესთვის და კიდევ ერთი საანგარიშო კონცერტისთვის, კვლავ ლამაზი შეხვედრას მელის ჩემს საყვარელ მაყურებელთან. გამოვეცი ავტობიოგრაფიული წიგნი, ერთი დანამდვილებით ვიცი, რომ როგორც არ უნდა მოეწონოს ჩემს ძვირფას მკითხველს ის, რასაც პირველად ვაწვდი წიგნის სახით, ეს ყველაზე ძალიან დედაჩემს გაუხარდებოდა თავისი სიცოცხლის პერიოდში, თუმცა იგი დღესაც იგრძნობს მისდამი თუ რაოდენი სიყვარული ჩავდე, ჩავუჯექი და



გავერთიანე ამ წიგნში ჩემი ცხოვრების ამსახველი ბევრი მომენტი...

ვინც ამ შესანიშნავ წიგნს წაიკითხავს, არა მგონია რაიმე უკმაყოფილების გრძნობა დარჩეს, ეს ხომ ლამაზად, ყოველგვარი გადამტეხის გარეშე, დაწერილი მემუარებია, რომელიც თითქმის მთელ შემოქმედებით პერიოდს ასახავს ესტრადის ვარსკვლავისას. ვგებულობთ, თუ როგორ იქმნებოდა ყველასთვის საყვარელი მომღერლის უკვე ჰიტებადქცეული „ბებერი მეარღნე“, „ბონა სერა“, „პოპური როკ-ენროლის თემაზე“, „ცვივა თოვლის ფანტელი“ და სხვ., მეგობრობა ცნობილ კომპოზიტორებთან და პოეტებთან, დაუწინაყარი რიოს კარნავალები, მრავალფეროვანი რამდენიმესაათიანი კონცერტები მსოფლიოს ყველა ქვეყანაში და მსოფლიოს ყველა ენაზე, სამეგობრო, ოჯახი, მსოფლიო სპორტისა და ესტრადის ვარსკვლავები – ყველაფერს ამოიკითხავთ ამ წიგნში. წიგნის რედაქტორი გახლავთ საქართველოს სახალხო მწერალი, რუსთაველის პრემიის ლაურეატი რევაზ მიშველაძე. წიგნში შეტანილია კომპოზიტორ მარიკა კვალაშვილისა და პოეტი ზურაბ გოშაძის მეტად თბილი წერილები და შეფასებები ენრიკო ჯანელიძეზე. წიგნი გაფორმებულია ფოტოებით მომღერლის პირადი არქივიდან. წიგნის შექმნა უკვე შესაძლებელია „ბიბლუსის“ მალაზიათა ქსელში.

ენრიკო ჯანელიძეს თამამად შეუძლია თქვას ლეგენდარული ედიტ პიუფის სიტყვები, რომელიც ამ პატარა წერილს ეპიგრაფად წარვუძღვარე – „მე არაფერს ვნანობ, ყველაფერი იყო ჩემს ცხოვრებაში“.

მამუკა ვაშაძე



კულტურული მემკვიდრეობის დაცვის სააგენტო ინდუსტრიული მემკვიდრეობის ნაგებობების რეკონსტრუქციას გეგმავს

პროექტი, რომელიც XX საუკუნის რამდენიმე მასშტაბური ობიექტის ვიზიტორებისთვის გათვალისწინებულ შემეცნებით და გასართობ ზონებად ადაპტირებას გულისხმობს, სამომავლოდ მოდერნიზებული სივრცეების ევროპის კულტურულ მემკვიდრეობის კონვენციის მიზნებს შეესაბამება.

„პირველადი კონსულტაციების შედეგად, შერჩეულია საორიენტაციო დარგობრივი მიმართულებები, რომლებსაც სამომავლოდ პროექტი მოიცავს. პოტენციურ სფეროებად მძიმე სამრეწველო, ენერგეტიკული და აგრარული სექტორები განიხილება.“

მსხვილ ინდუსტრიულ საწარმოებში შემეცნებით-სანახაობრივი სივრცეების მოწყობის კონცეფციაზე მუშაობას სააგენტო ესტონურ კომპანია „კოკო არქიტექს-თან“ ერთობლივად დაიწყო და პროცესს მსხვილ საწარმოთა მესაკუთრებთან თანამშრომლობით წარმართავს. სამოქმედო გეგმის განსაზღვრის მიზნით, „კოკო არქიტექსის“ სამუშაო ჯგუფი საქართველოს მიმდინარე წლის აპრილში ეწვევა.



ესტონური გამოცდილების საფუძველზე, მსხვილი ინდუსტრიული სივრცეების შემეცნებით-სანახაობრივი მიმართულებით რეკონსტრუქციის იდეას სააგენტო შემეცნებით-სამეცნიერო და ეკონომიკურად მიზანშეწონილ პროექტად განიხილავს.

ესტონეთში საქმიანი ვიზიტის ფარგლებში სააგენტოს წარმომადგენლობითი ჯგუფი დეტალურად გაეცნო ტალინის ინდუსტრიული მემკვიდრეობის ნაგებობათა რეაბილიტაციის რამდენიმე პროექტს, რომელსაც „კოკო არქიტექსი“ ახორციელებს.

ესტონურ მხარესთან თანამშრომლობის პროცესი ესტონეთის რესპუბლიკაში საქართველოს საელჩოს აქტიური მონაწილეობით წარმართება. „კოკო არქიტექსთან“ კულტურული მემკვიდრეობის დაცვის ეროვნულ სააგენტოს თანამშრომლობის რამდენიმე წლიანი გამოცდილება აქვს. ესტონური კომპანიის მიერ უკვე მომზადდა ენგურის ტურისტული ზონის მოწყობისა და გრაკლიანის არქეოლოგიური მუზეუმის მუზეოგრაფიის საპროექტო დოკუმენტები, რომელთა განხორციელებასაც სააგენტო სხვა სახელმწიფო უწყებებთან ერთად უახლოესი მომავლიდან დაიწყებს“, – წერია კულტურული მემკვიდრეობის დაცვის ეროვნული სააგენტოს ინფორმაციაში.

ნიგნები ნისქვილში...

სოფლად დარჩენილ ნისქვილებში წიგნის თაროები გამოჩნდა. მოძრაობა ეკვილიბრიუმში საქმე გურიის სოფლებიდან დაიწყო და ლიხაურის, დვანისა და სილაურის ნისქვილებში ბიბლიოთეკები მოაწყო.

„ჩემს ბავშვობაში სულ რამდენიმე გასართობი ამბავი მეგულებოდა, რომელიც დღესასწაულს უდრიდა და მათ შორის იყო ნისქვილში წასვლა. ორი დიდი მაგია აქვს ნისქვილში, ერთი ზიხარ, თვალს ფეხის რუტინა გიშტერებს და წყლის ხმა ემბინტივით გესმის. მეორე, თუ ბევრია სიმინდის დაფქვის მოსურნე, დიალოგებია – დიდი ამბებით დაწყებული, წვრილმანებით დასრულებული. ასლა გადავწყვიტეთ, ამ საქმეს მესამეც შევმატოთ – წიგნის კითხვა“, – უთხრა „რა“ დიო თავისუფლებას“ საქართველოს პარლამენტის ეროვნული ბიბლიოთეკის დირექტორმა გიორგი კეკელიძემ.

იდეა რომ გაჩნდა, ეგონათ, რომ არც ისე ბევრი ნისქვილი იქნებოდა სოფლებში შემორჩენილი, მაგრამ გურიის სოფლების ნისქვილებში წიგნების მითარხნის შემდეგ გიორგი კეკელიძეს ასობით ადამიანი ეხმებოდა.

„ეს ჩვენი მოძრაობის ნაწილია, ეკვილიბრიუმში სოფლებში ბიბლიოთეკების აღდგენას და განახლებას გულისხმობს. უკვე ათასამდე სოფელში ვიყავით. წიგნი, კომპიუტერი, ინტერნეტი და ზოგან ისეთი სახალისო რამ, როგორც ცეკვის ბიბლიოთეკა ან ნისქვილის სამკითხველო, რომელსაც გარდა თვისობრივისა, სიმბოლური მნიშვნელობა აქვს – წიგნის შესწავლის“, – ამბობს გიორგი კეკელიძე.

იკა ქვიანიშვილი



სულთანა

ქართული სამართლებრივი პრის მკვლევარი

პროფესორ ვალერიან მებრეველის სსვპდსსვპ



გარდაიცვალა ცნობილი ქართველი იურისტი-მეცნიერი, სამართლის ისტორიის მკვლევარი, ივ. ჯავახიშვილის სახელობის თბილისის სახელმწიფო უნივერსიტეტის პროფესორი ვალერიან მებრეველი.

საბჭოთა საქართველო, 1980), აკაკი წერეთლის პოლიტიკური და იურიდიული შეხედულებანი (თბილისის უნივერსიტეტის გამომცემლობა, 1980), ილია ჭავჭავაძე დანაშაულისა და სასჯელის შესახებ (თბილისის უნივერსიტეტის გამომცემლობა, 1983), ილია ჭავჭავაძე სამართლის წარმოშობისა და არსის შესახებ (საბჭოთა სამართალი, 1968, №3, გვ. 62-68), ილია ჭავჭავაძის შეხედულებანი სახელმწიფოს შესახებ (საბჭოთა სამართალი, 1968, №6, გვ. 74-83), ილია ჭავჭავაძის შეხედულება პირობით მსჯავრზე (საბჭოთა სამართალი, 1969, №6, გვ. 54-61), ილია ჭავჭავაძე დანაშაულის არსის შესახებ (საბჭოთა სამართალი, 1978, №5, გვ. 51-57), ნიკო ნიკოლაძე სამართლის რაობისა და დანიშნულების შესახებ (საბჭოთა სამართალი, 1975, №4, გვ. 64-69), ნიკო ნიკოლაძე დანაშაულის მიზეზების შესახებ (თბილისის სახელმწიფო უნივერსიტეტის შრომები, სერია - სამართალი, ფსიქოლოგია, პედაგოგიკა, თბილისი, 1975, ტ. 161, გვ. 31-43), ნიკო ნიკოლაძე, საზოგადოებრივი და სახელმწიფო წყობილების სოციალურ-პოლიტიკური გარდაქმნის გზების შესახებ (თბილისის სახელმწიფო უნივერსიტეტის შრომები, ფურნალისტიკის საკითხები, 1981, №7-8, 333-349), აკაკი წერეთელი სამართლისა და სამართალწარმოების შესახებ (თბილისის სახელმწიფო უნივერსიტეტის შრომები, სერია - სამართალი, ფსიქოლოგია, 1981, ტ. 222, გვ. 79-84), აკაკი წერეთელი დანაშაულისა და სასჯელის შესახებ (საქართველოს მეცნიერებათა აკადემიის მაცნე, ენისა და ლიტერატურის სერია, 1980, №4, გვ. 90-104), ილია ჭავჭავაძე სახელმწიფოსა და სამართლის შესახებ, საბჭოთა სამართალი, 1988, №6, გვ. 58-64), ებრაული სამართლის ქართული ვერსია (სამართალი, 1992, №12, გვ. 39-45), ილია ჭავჭავაძე - იურისტი (ი. ჭავჭავაძის მოღვაწეობა მომრიგებულ მოსამართლედ 1864-1873 წლებში და მისი მოსაზრებანი სხვადასხვა იურიდიულ პრობლემათა ირგვლივ, სამართალი, 1997, №9-10, გვ. 4-14), რომის სამართალი და საქართველო (მოსხენება ცენტრალური და აღმოსავლეთ ევროპისა და იტალიის რომანისტიკის VII კოლოკვიუმზე, რომი, ლა საპენცას უნივერსიტეტი, 1998), ბაგრატიონთა ღვანლი ქართულ სამართალში (სახელმწიფოსა და სამართლის აქტუალური პრობლემები, საიუბილეო კრებული მიძღვნილი თბილისის სახელმწიფო უნივერსიტეტის იურიდიული ფაკულტეტის დაარსების 80 წლისთავისადმი, თბილისის უნივერსიტეტის გამომცემლობა, 2003) და სხვა.

ვალერიან მებრეველი გახლდათ ქართველი იურისტი მრავალი თაობის აღმზრდელი. იგი ვალმოხდილია სტუდენტი ახალგაზრდობის წინაშე. მისი მრავალი სტუდენტი დღეს ცნობილი და წარმატებული იურისტი. მან არაერთი იურისტი-მეცნიერი აღზარდა. ბევრმა მათგანმა მისი უშუალო ხელმძღვანელობით დაიცვა საკანდიდატო თუ სადოქტორო დისერტაცია. მრავალმხრივი იყო მისი პედაგოგიური საქმიანობა. სახელმწიფო უნივერსიტეტის იურიდიულ ფაკულტეტზე იგი კითხულობდა სალექციო კურსებს: ქართული სამართლებრივი აზრის ისტორიაში, ქართული სამართლის ისტორიაში, რომის სამართლის საფუძვლებში, სამართლის ზოგად ისტორიაში. იგი არის 50-ზე მეტი სამეცნიერო ნაშრომის ავტორი.

მისი სამეცნიერო კვლევის ძირითადი ობიექტი იყო ქართული სამართლებრივი აზრის ისტორია. ასევე ნაშრომები შესრულებული აქვს ქართული სამართლის ისტორიასა და რომის სამართალში. განსაკუთრებულია მისი წვლილი ქართველოლოგიური იურიდიული დარგების მეცნიერული კვლევისა და სწავლების საქმეში. მის ნაშრომებში სიღრმისეულადაა წარმოჩენილი გამოჩენილი ქართველი მოღვაწეების იურიდიული მსოფლმხედველობის განსხვავებული ნახაზები, რაც დღესაც არ კარგავს აქტუალობას. ცხოვრების მნიშვნელოვანი წლები მან სწორედ ქართული სამართლებრივი კულტურის კვლევას დაუთმო. ასევე დასაფასებელია მისი როლი საქართველოში რომის სამართლის სწავლების საქმეში. მას კარგად ესმოდა, თუ რამდენად დიდი მნიშვნელობა ჰქონდა იურისტი სტუდენტების სამართლებრივი აზროვნების განვითარებისათვის რომის სამართლის საფუძვლების მაღალ დონეზე სწავლებას, რისთვისაც მან ძალისხმევა არ დაიშურა. აღსანიშნავია მისი ღვანლი ქართულ ენაზე რომის სამართლის წყაროების (ინსტიტუციების, დიგესტების) პირველი თარგმანის ხელშეწყობის საქმეში.

მისი ძირითადი ნაშრომებია: ილია ჭავჭავაძის შეხედულებანი სახელმწიფოსა და სამართალზე (თბილისის უნივერსიტეტის გამომცემლობა, 1977), ნიკო ნიკოლაძის პოლიტიკური და იურიდიული შეხედულებანი (გამომცემლობა

ვაჟა მებრეველი ოჯახით ღრმა მწუხარებით იუნყება იურიდიულ მეცნიერებათა დოქტორის, პროფესორ

ვალერიან მებრეველის

გარდაცვალებას. ნავიდა ჩვენგან მოყვასის მხარში მდგომი, ჭირ-ვარამის გამზიარებული და მუდამ სიკეთისთვის შემართული მეგობარი. სამძიმარს ვუცხადებ განსვენებულის ოჯახს, ახლობლებს, კოლეგებს და ყველა გულშემატიკვარს.

საქართველოს მეცნიერებათა ეროვნული აკადემია მწუხარებით იუნყება, რომ გარდაიცვალა სამეცნიერო-საორგანიზაციო სამმართველოს უფროსი სპეციალისტი



ეკა ლაზარაშვილი

და თანაგრძნობას უცხადებს განსვენებულის ოჯახს.

უახლოესი მეგობრები იგორ ქობალია, კლიმენტი ჯანჯღავა, გურამ გუნავა, ვალერი ჭანტურია, ლერი ჭითანავა, ოთარ ჭითანავა იუნყებიან, რომ გარდაიცვალა ცნობილი საზოგადო მოღვაწე, მექანიზატორი, სსრკ უმაღლესი საბჭოს სამი მონვევის დეპუტატი, შრომის გმირი



ვალერიან ბერმანს ძე მუხნარბია

და სამძიმარს უცხადებენ ოჯახს, ახლობლებსა და სანათესავოს.

სსიპ - ფარდინანდ თაბაქის მატალურბიისა და მასალათმცოდნეობის ინსტიტუტი ახსნაღებს კონკურსს

შედეგი თანამდებობის დასაქმებულად

- 1. მთავარი ენერგეტიკოსი - 1 ერთეული (მატერიალურ-ტექნიკური უზრუნველყოფის ჯგუფი)
2. დამლაგებელი - 1 ერთეული (მატერიალურ-ტექნიკური უზრუნველყოფის ჯგუფი)

კონკურსში მონაწილეობის მსურველებმა უნდა წარმოადგინონ ან ატვირთონ PDF ფორმატში:

- 1. განცხადება (განცხადების ფორმა იხილეთ (www.mmi.ge)
2. პირადობის დამადასტურებელი მოწმობის ასლი;
3. ავტობიოგრაფია /CV
4. განათლების დამადასტურებელი დოკუმენტის ასლი (მთავარი ენერგეტიკოსის თანამდებობისათვის)
საკონკურსო საბუთების მიღება იწარმოებს სსიპ-ფარდინანდ თაბაქის მეტალურბიისა და მასალათმცოდნეობის ინსტიტუტში, მისამართზე - ქ. თბილისი, ე. მინდელის ქ. №10, ოთახი №315 ან ელექტრონულად ელ.ფოსტაზე info@mmi.ge 2019 წლის 12 აპრილიდან 16 აპრილის ჩათვლით. კონკურსის ჩატარების ზუსტ თარიღს გაცნობებთ ელ.ფოსტის ან ტელეფონის საშუალებით.
დამატებითი ინფორმაციისათვის (სამუშაოს აღწერა და საკვალიფიკაციო მოთხოვნები) ეწვიეთ www.mmi.ge ან დარეკეთ ტელეფონზე 2380716; 577392776;

სალაპარაკო მებრეველი ენის კურსები

შეზავსწავლით სალაპარაკო მეგრულს. მსმენელთან მუშაობა წარიმართება თავისუფალი მეტყველების უნარების ჩამოსაყალიბებლად, იგი შეძლებს თავისუფლად საუბარს, აითვისებს სალაპარაკო მეგრულის ძირითად საფუძვლებს, თავისებურებებს ქართულ ენასთან მიმართებაში, მოხდება მეტყველების დახვეწა და ლექსიკის კიდევ უფრო გამდიდრება.

კურსის ხანგრძლივობა ორი თვეა.
სწავლება ჩატარდება კვირაში ორჯერ: სამშაბათს და ხუთშაბათს - 17-დან 19 საათამდე.
სწავლება დაიწყება 2019 წლის 8 აპრილს. სრული კურსის საფასური 60 ლარი. 16 წლამდე ახალგაზრდებისთვის კურსები უფასოა.
კურსს გაუძღვება პროფესიონალი პედაგოგი. მსმენელთა რაოდენობა შეზღუდულია.
მისამართი: თბილისი, ა. პოლიტკოვსკაის ქ. №42.
საკონტაქტო ნომერი: +(995)2 77 95 04; 2 77 95 38.



### „სამყაროს მხსნელი“ ლაიკარბა

აბუ დაბის ახალ მუზეუმში ჯერ კიდევ ნოემბერში უნდა გამოიფინათ ისტორიაში ყველაზე ძვირადღირებული ნახატი — „სამყაროს მხსნელი“, თუმცა მუზეუმის თანამშრომლებმა გაზეთ NEW YORK TIMES-ს განუცხადეს, რომ არ იციან, სად არის ფერწერული ტილო.

2017 წლის დეკემბერში „აბუ-დაბის ლუვრი“ მიკრობლოგ „ტივტივრში“ წერდა, რომ ნახატს მიიღებდა. ტილოს ავტორის შესახებ ხანგრძლივი დავის შემდეგ, 2011 წელს, ხელოვნებათმცოდნეებისა და მკვლევარების კონსორციუმმა დაასკვნა, რომ ეს ნამუშევარი ლეონარდო და ვინჩის ეკუთვნოდა. ტილო აბუ-დაბის 18 სექტემბერს უნდა გამოიფინათ. სექტემბრის დასაწყისში მუზეუმმა ნახატის გამოფენა გადადო, თუმცა მიზეზი არ განუმარტავს. 30 მარტს გაზეთ NEW YORK TIMES-ი „აბუ-დაბის ლუვრის“ ანონიმურ თანამშრომლებზე დაყრდნობით წერდა, რომ მუზეუმის წარმომადგენლებმა არ იციან ნახატის ადგილსამყოფელის შესახებ. პარიზის ლუვრმა, რომელმაც აბუ დაბის მუზეუმს მისი სახელწოდების ტარების უფლება მისცა, ასევე არ იცის, სად არის „სამყაროს მხსნელი“.

### მიკ ჯაგერს აკადემიურობამ ტურნე გადააღებინა



ლეონარდო მიაჩნდა როკჯგუფმა Rolling Stones-მა მიკ ჯაგერის ავადმყოფობის გამო აშშ-ში და კანადაში დაგეგმილი ტურნე გადადო. როგორც ჯგუფის მიერ გავრცელებულ განცხადებაშია ნათქვამი ექიმებმა 75 წლის ჯაგერს ურჩიეს საკონცერტო გამოსვლებისგან თავი შეეკავებინა, რადგან მას მკურნალობის კურსი უნდა გაეგრძელებინა.

ტურნე 20 აპრილს მიაამიდან უნდა დასრულდებოდა 29 ივნისს უნდა ჩატარებულყო. მიკ ჯაგერი ამ ფაქტს სოციალურ ქსელში გამოეხმაურა, მან ბოდიში მოუხადა ამერიკელ და კანადელ ფანებს და დაწერა, რომ ძალიან ნაწყენია ტურნეს გადადების გამო. მისი თქმით, ის ყველაფერს გააკეთებს იმისთვის, რომ სცენას მალე დაუბრუნდეს.

### რუსეთის ერთ-ერთი უძლიერესი ქალი ავიაკატანსტროფას ემსხვერპლა



ნატალია ფილიპოვა, რომელიც რუსულ ავიაბაზარზე „აეროფლოტის“ შემდეგ სიდიდით მეორე ავიაკომპანია S7-ის თანამფლობელი იყო, კერძო თვითმფრინავის ჩამოვარდნის შედეგად დაიღუპა. ავიაკატასტროფა გერმანიაში, ეგელსბახის აეროპორტში დაშვების დროს მოხდა. ბორტზე რუსეთის სამი მოქალაქე იმყოფებოდა, სამივე მათგანი დაიღუპა. ადგილობრივი პოლიციის ინფორმაციით, 6-ადგილიანი თვითმფრინავი მთლიანად დაინვა. ნატალია ფილიპოვა მდიდარი რუსი ქალების რეიტინგში მე-4 ადგილს იკავებდა, მისი ქონება 600 მლნ \$-ად არის შეფასებული.

### უაინლოვის საფრთხეები

ბარათი რაც უფრო ცივა, ზნელა და ქარია, მით უფრო მაღალია ინფარქტის ალბათობა, — გვაფრთხილებენ შვედი მედიკოსები.

მკვლევარებმა 27 ათასი ინფარქტგადატანილი პაციენტის მონაცემები შეისწავლეს და ამინდთან შესაბამისად, ავადმყოფობის განვითარების დრო შეადარეს. აღმოჩნდა, რომ გულის შეტევების რისკი ჰაერის ტემპერატურის დაწვევას უკავშირდება. თბილ ამინდთან შედარებით, ცელსიუსის -1 გრადუსამდე ტემპერატურა ინფარქტის რისკს 14 პროცენტით ზრდის. ქარის 0-დან 57 კილომეტრ/საათამდე გაძლიერება ამ ხიფათს 7 პროცენტით ზრდის. დღე-ღამის ნათელი დროის შემცირება და უმზეობა გულის შეტევის რისკს 11 პროცენტით აძლიერებს.

ამ კავშირის თაობაზე მეცნიერებს ასეთი ახსნა აქვთ: პირველ ყოვლისა, გასათვალისწინებელია ის გარემოება, რომ გრილი, რომელიც ადამიანს უფრო ხშირად წლის ცივ პერიოდში ემართება, ინფარქტს უკავშირდება. მეორე გარემოება ისაა, რომ ზამთარში ადამიანები ნაკლებს მოძრაობენ და უფრო კალორიულ საკვებს მოიხმარენ, რომელიც გულისთვის დიდად სასარგებლო არ არის. თავის უარყოფით როლს უმზეობით გამოწვეული დეპრესიაც ასრულებს. გარდა ამისა, სიცივისგან სისხლძარღვები ვიწროვდება, რაც ასევე ინფარქტს პროვოცირებს.

ამიტომაც, ინფარქტის რისკის შესამცირებლად ეცადეთ, სიცვივით კი მისდით ცხოვრების აქტიურ წესს, მაგრამ ნურც დეტას დაივიწყებთ და პოზიტიური განწყობაც შეინარჩუნეთ.

### უბიკლიათ, ინერვიულოთ კიდეც...

სტრესი კანისთვის სასარგებლო ყოფილა. უნინ მიჩნეული იყო, რომ ნეგატიური ემოციები ხელს უწყობენ ფერტილამიების გამონაყრის წარმოშობას. პოლანდიელმა მკვლევარებმა კი აღმოაჩინეს, რომ სტრესების დროს გამოყოფილი სტეროიდული ჰორმონები ხელს უწყობენ კანის მოშუშებას კონტაქტური დერმატიტის დროს.



აქედან გამომდინარე, საეხებით შესაძლებელია, რომ ექიმებმა გადახედონ მკურნალობის ამუშავებას და მკვიდრებულ სქემებს.

### უფრო ნელა რომ დავბერდეთ

სირბილი, ცურვა და ველოსპორტი დაბერებას ანელებს. მეცნიერებმა შეისწავლეს სპორტის ის სახეობები, რომლებიც ორგანიზმის უჯრედების დაბერების პროცესს ამუხრუჭებენ.



საუკეთესო შედეგი აერობიკის ვარჯიშებს ჰქონდათ, რომელთა შემდეგ ტელომერების (ქრომოსომების გარკვეული უბნების) დაგრძელება დადგინდა, რომლებიც დაბერების კვალდაკვალ მოკლდებიან.

### დახმარების მსურველთა საყურადღებოდ! მომხარტავთ გაზეთის მზრუნველთა საბჭოს სახელით

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 100 წლის ყოველდღიური გამოცემის აღორძინებას.

ჩვენი ანგარიშია: №GE19TB7601536020100009.

(შპს „ახალი საუკუნე“ — გაზეთ „საქართველოს რესპუბლიკის“ გამომცემელი).

### საქართველოს რესპუბლიკა SAKARTVELOS RESPUBLIKA

ბ. ჩიქობავას (ყოფილი  
საბჭოს) ქუჩა №42/5

მთავარი რედაქტორი  
საბრტაპ მოზულია  
599 36-00-35

პასუხისმგებელი რედაქტორები:  
გურამ გომიაშვილი  
599 53-76-16;

ალექო  
ასლანიშვილი  
599 56-81-86;

პასუხისმგებელი მდივანი  
მამუკა ვაშაქიძე  
514 33-33-24

გამომცემლობა:  
შპს „თანამდგომარეობა“-გაზეთ  
„საქართველოს რესპუბლიკის“  
გამომცემელი“  
ტ: 599 79-76-79  
შპს „ახალი საუკუნე —  
გაზეთ „საქართველოს  
რესპუბლიკის“  
გამომცემელი“

იბეჭდება გამომცემლობა  
„ქოლორ პრესში“  
რკინიგზის ჩიხი №20

uac(უაკ)070.4(479.22)  
ს-323



ავტორთა  
საყურადღებოდ!

რედაქციის მიერ  
შეუკვეთავი მასალები  
დაიბეჭდება  
ავტორთა ხარჯით.  
ავტორთა მოსაზრებები,  
შეხატვა, მუდამ  
არ ემთხვეოდეს  
რედაქციის პოზიციას.  
ფაქტების სიზუსტეზე  
პასუხს აბეზან  
ავტორები.

### „საქართველოს რესპუბლიკა“ შენი გაზეთია, აუხილავლად გამოიწერე, წაიკითხე, ისიამოვნე!



#### უცხოური ვალუტის კურსი:

აშშ დოლარი - 2.6914; ევრო - 3.0203;  
ბრიტანული გირანა სტერლინგი - 3.5147  
100 რუბლი - 4.1638; თურქული ლირა - 0.4825;  
ახარბაიჯანული მანათი - 1.5831;  
1000 სომხური დრამი - 5.5379.

#### აპრილი 2 აპრილისთვის

აღმოსავლეთი საქართველო:  
ბარა - ლამი +2, ლფ +16  
მთიანი რაიონები - ლამი -1, ლფ +13  
დასავლეთი საქართველო:  
ბარა - ლამი +3, ლფ +13  
მთიანი რაიონები - ლამი 0, ლფ +9  
თბილისი: ლამი +4, ლფ +14

#### დაავიკავით, მოგვწერეთ:

ტელ: 299-02-10,  
599-79-76-79, 568-82-09-84  
ელ. ფოსტა: sakresp@mail.ru  
და sakresp@top.ge